

TAGDUDA TAZZAYRIT TAMAGDAYT TAḄERFANT



TASELWIT N TEGDUDA

ተ•ር፡|ጸ•ሀተ

**TAMENDAWT**

6 seg meyles 2016

بِسْمِ اللَّهِ الرَّحْمَنِ الرَّحِيمِ

## TAZRAWT

Ayref azzayri d ayref ilelli, yeytes ad yeqqim d ilelli.

Amezruy-is n wachal n yigiman n yiseggasen d ssnesla n yimennuyen yeğğan Ldzayer ad tili dima d akal n tlelli d ugemmir.

Deg umezruy, tufa-d iman-is deg tlemmast n yinedruyen imeqranen i d-yellan deg Ugrakal. Lezzayer tufa deg tarwa-s, seg tallit n Numidya d yimennuyen aydeg d-yufrar Lislam armi d ttradat n yimennekcamen, irgazen n tlelli, d tdukli d ufara, am wakken i d-yefka ibennayen n yiwanaken imegdayen ineemařen yennernan deg talliyin-nni n ccan ameqran d talwit.

Amenzu n Wamber 1954 yella d tagnit n ussenfali ameqran i as-inejren abrid i yimal-is. D tifat n tzernanin ay yettwasmersen mgal yidles-ines, azalen-is d yisegren igejdanen n tmagit-ines i yellan d tinneslemt, tiεurba d timmuzya. S wakka, amenzu n Wamber yezza amennuy amiran deg yizri amangan n weylan. Ayref yeddukklen, deg tazwara, deg umussu ayelnaw, syen yer-s deg Terni n Weslelli Ayelnaw, yefka idammen-is i wakken deg waful amazday deg tlelli d tmagit tadelsant tayelnawt iyer yuyal am wakken ay yessuli tisuda yellan s tidet d tiyerfanin.

Yer taggara n ttrad ayerfan d-yesyersen azarug s lerwah n lemkeyyer deg warraw-is, s rray n Terni n Weslelli Ayelnaw d Tredsa n Weslelli Ayelnaw, yerra-d uyref azzari awanak atrar anayan s tehti d tacert.

Ayref yumnen s yefranen imazdayen, yessayes-d tirennawin tiytasanin i d-icefeen tibayurin tiyelnawin d ussebded n uwanak i lmendad-is wehd-s, yehkem s tlelli melba lehris aberrani.

Maca ayref azzayri yedder takesna tayelnawt i qrib yesdermen tamurt. S teflest-ines d tuddfa deg tdukli i yeytes ad yesseddu tasertit n talwit d wemsuyal ayelnaw i d-yefkan igumma i yebya ad yehrez.

Lebyi n weyref d ahuddu n Lezzayer seg lfetna, takridt d tiddurfa, s uleqqem n wazalen-is ibadniyen d inyermayan, n ummeslay, n ussemsuyal d tegmat, aya s uqader n tmenawt d yisudaf n tegduda.

Ayref yezgan d ameynas n tlelli d tugdut, yettfen deg tnaya-ines d uzarug ayelnaw, yebya, s tmenawt-a, ad yessali tisuda tigejda-nsent d attikki n yal Tazzayrit d Uzzayri deg ussefrek n lumur inagduden ara d-yeglun s teydemt

tanmettit, s ussemsawi d tlelli i yal yiwen deg ukatar n uwanak amagday agdudan.

Tazwarayt n usaḍuf i yedmi weyref adzayri s weqbal n tmenḍawt-a yellan s timmad-is d assirem-ines, d agummu n tumert-is, d afaris n ussenfali anmetti alqayan.

Tamenḍawt tezga-d nnig medden merṛa, d nettat i d asaḍuf agejdan ara idemnen izerfan d tlelliyin n yemdanen d yegrawen, am wakken ara thareb yef wayen ara yefren weyref, ad asen-terr azal i wid i d-yettwafernen akken ad qedcen deg wayen i asen-yefka usaḍuf, am wakken ara treṣṣi tamlellit tamagdayt s webrid n tefranin tilelliyin tiluganin.

Tamenḍawt teḍmen beḍḍu n yiduba, azarug n teydemt, ammesten ayedman d uswaḍ n tigawt n yiduba inagduden deg tmetti ideg tuy tsaduft d uḡḡuḡḡeg n wemdan deg yal tama.

Ayref azzayri yettef deg yefranen-ines akken ad yessenqes i warsemsawi anmetti d tukksa n mehyaf gar temnaḍin. Am wakken ara yeqdec I ussali n tdamsa tafarist, tasmenyifit deg webrid n unegmi amezgi d wehraz n twennaḍt.

D ilemziyen i d anemmas n umyadar ayelnaw, n yecqerriwen idamsanen, inmettiyen d yidelsanen imi d nitni s timmad-nsen I d yinesbayuren igejdanen, nitni akked tsutiwin i d-yetteddun.

Yettkel weyref yef tezmert-is akken ad yettikki deg ufara adelsan, anmetti d udamsan n umaḍal n wass-a d uzekka, acku isenned yef wazalen ibadniyen i d-yuyen azar seg umezruy, seg wansayen n tamsetlelt d teydemt.

Lezzayer d akal n tinnslemt, d amur ur nettwakkas seg Lmeyreb Ameqran, d tamurt taṛabt, tagrakalt, d tafrikant, yur-s isey s tegrawla n umenzu n Wember d leqder i tessawed tekseb-it, teḥrez-it i lmend n waddud-is s idis-is n yimennuyen uydimen deg umaḍal.

Isey, iseflan, tamasit d tutṭfa tangallawt n uyref azzayri deg tlelli akked teydemt tanmettit d tṭmanat tufirin n uqader n yimenzayen n tmenḍawt-a i yeddem uyref akken ad tt-id-yeḡḡ i tsutwin i d-yetteddun, tarwa taḥruṛt n yimezwura yessulin timetti tilellit.

Tazwart-a d aḥric ur nettwakkas seg tmenḍawt.

**AZWEL AMEZWARU :**  
**IMENZAYEN IMATUTEN YESSEDDUYEN TIMETTI TAZZAYRIT**

**IXF I : YEF LEZZAYER**

**AMAGRAD 1 :** Lezzayer d Tagduda Tamagdayt Tayerfant.

D yiwet, ur tbeṭṭu.

**AMAGRAD 2 :** Lislam d ddiin n uwanak.

**AMAGRAD 3 :** Taṛabt d tutlayt tayelnawt tunṣibt.

Taṛabt ad teqqim d tutlayt tunṣibt n uwanak.

Yettwasbedd-d Useqqamu Unnig n Tutlayt Taṛabt ddaw leenaya n Uselway n Tegduda.

Ad d-yelhu Useqqamu Unnig s usnerni n tutlayt taṛabt d usewsee n usemres-ines deg yeḥricen ussnanen d yitknulujiyen s usebyes n usuyel yer taṛabt.

**AMAGRAD 4 :** Tamaziyt dayen d tutlayt tayelnawt tunṣibt.

Ad d-yelhu uwanak s wesmil-ines d usnegmu-ines deg tentaliyin merra yettwaseqdacen deg tmurt.

Tettwasbedd-d Tkadimit Azzayri n tutlayt tamaziyt ddaw leenaya n Uselway n Tegduda.

Ad d-telhu Tkadimit-a d uheggi n tegnatin i wesmil n tmaziyt n useḍru n uzayer-ines d tutlayt tunṣibt, aya s usened yef yinadiyen n yimazzayen.

D asaḍuf agmanan ara d-yesbanen amek ara d-yili useḍru n umagrad-a.

**AMAGRAD 5 :** Tamanayt n Tegduda d LEZZAYER.

**AMAGRAD 6 :** Asenḡaq ayelnaw d yimseyret ayelnaw d ayen i d-tḥerṛ tegrawla n umezwaru n wember 1954. Ur tbeddilen ara.

Sin n yizamulen-a n tegrawla, yuyalen d wid n Tegduda, hata wudem-nsen:

1- Asenḡaq Ayelnaw d azegzaw d umellal, deg tlemmast-is rsen yitri d tazzirt d izeggayen.

2- Imseyret ayelnaw d “Qassaman” s tseddarin-ines merra.

Azwil n uwanak yettwabeggen-d s usaḍuf.

## **IXF II : YEF UYREF**

**AMAGRAD 7 :** D ayref i d aybalu n yal adabu.

Tanaya tayelnawt d ayla n weyref i yiman-is.

**AMAGRAD 8 :** Ala ayref i izemren ad yennal tamendawt.

Ad yessili weyref tanaya-ines s ttawil n tsuda i yefka i yiman-is.

Ad tt-yessili dayen weyref s ttawil n tsefrant d yigensasen yettwafernen.

Yezmer Uselway n Tegduda ad yessuter srid rray n weyref.

**AMAGRAD 9 :** D ayref ara yefken i yiman-is tisuda ilmend n :

- Useḥbiber d useḡhed n tnaya d uzarug iyelnawen;
- Useḥbiber d useḡhed n tamagit d tdukli tiyelnawin ;
- Useḥbiber yef tlelliyin n llsas n uyerman d uḡḡuḡḡeg anmetti, adelsan n uylan ;
- Usmil n teydemt tanmettit ;
- Tawakksa n umgerrad gar temnaḍin deg unegmi ;
- Usebyes n usali n tdamsa seg yal udem ara yefken azal i akk tizemmar tigamanin, talsanin d tussnanin n tmurt.
- Ustan n tdamsa tayelnawt mgal akk lecyal yeffyen i usaḍuf d uryam, asgufsu, isettiyen yeffyen i usaḍuf, ljuṛ, aḥwaṣ akked tukksa n sseaya berṛa i usaḍuf.

**AMAGRAD 10 :** Tisuda gedlent yef yiman-nsent :

- Tisemras tiqburin n tixummest, timezremnaḍin d meḥyaf.
- Asebded n wassayen n wammud d tagelt.
- Tisemras ixulfen ansayen n Lislam d wazalen n tegrawla n Wember.

**AMAGRAD 11 :** D ayref ara ifernen igensasen-is s tlelli.

Tagensest n weyref ur tesēi tilas, anagar tid yersen di tmenḍawt akked usaḍuf n tefranin.

## **IXF III : YEF UWANEK**

**AMAGRAD 12 :** Yettagem-d uwanek tasekent-ines d tilin-is deg lebyi n uyref.

Amensay-ines : “S uyref i uyref”. Awanek yemmug ad yeqdec kan yef uyref.

**AMAGRAD 13** : Tettwasemras tnaya n uwanek yef wakal d yigenni d yillel n tmurt.

Akken dayen i yessemras uwanek lħeq-ines anayan i d-yesbedd uzref agreylan yef yal adeg n tallunt n yilel-ines.

**AMAGRAD 14** : Akken yebyu yili, ur yezmir ad yeğğ ney ad isemmeh deg wamur n temnađt n wakal n tmurt.

**AMAGRAD 15** : Awanek yebdded yef yimensayen n tuddsa n tugdut d ufrağ n yiduba akked teydemt tanmettit.

Aseqqamu ufrin d akatar ideğ yettenfali lebyi n ugduđ d usemres n uswađ n tigawt n yiduba imagdanen.

Yessebyes uwanek tugdut tamekkıt deg tmazdayin tidiganin.

**AMAGRAD 16** : Timazdayin n uwanek d tayiwant akked lwilaya.

Tayiwant d tamazdayt taddayt.

**AMAGRAD 17** : Aseqqamu ufrin d adda n waraslemmes, akken day i tella d adeg n tikkin n yineyrimen deg useddu n temsal timagdanin.

**AMAGRAD 18** : Ayla amagdan d ayla n tmezdayt tayelnawt.

Tesdukkel ayen yellan ddaw n tmurt, lminat d yimɣizen, tiybula n ugama n ssehd, ibayuren inuzalen d sseyat yellan di yal tamnađt n tmurt, azara, aman d wayen yellan deg yillel akked tzegwa.

Akken dayen i teena allalen n usiwed s ttawil n tmacint, n yiyerruba akked tmesrifgin, teena ula d lbušta d tğaywalt akked sseyat-nniđen yersen deg usađuf.

**AMAGRAD 19** : Awanek ad yeđmen asemres iwulmen n teybula n tmurt d usehbiber fell-asant i tsutiwin i d-itteddun.

Awanek ad yesten yef wakal n tmekrezt.

Awanek ad yesten dayen yef teybula n waman di tmurt.

Aşađuf ad d-yeg tarrayin n usemres allalen n tigin n waya.

**AMAGRAD 20 :** Tettwasbadu-d tayult tayelnawt deg usađuf.  
Tesdukkel tayulin timagdanin d tuslugin, n liwilaya akked tyiwant.  
Aseddu n tayult tayelnawt yettili-d akken yella deg usađuf.

**AMAGRAD 21 :** Asuddes n tnezzut yer berra yettwamras ddaw leenaya n uwanek.

D aşıađuf i d-yesbeddaden tiwtilin n usemres d tesweđt n tnezzut yer berra.

**AMAGRAD 22 :** Tukksa n wayla tezmer ad tili s usađuf.  
Tettwayerm-d wazal n wayen i yettwakksen s leedel.

**AMAGRAD 23 :** Ur zmirin twuriwin d tseyenin i sqedcent tisudwin n uwanek ad uyalent d aybalu n usebyer wala d allal i usfaydi uslig.

Yal amdan iwumi tettwanefk twuri tunnigt deg uwanek, yettwafernen deg kra n useqqamu adigan, ama d ufrin ney sersen-t-id deg kra n useqqamu ney n tsuddut tayelnawt, yessefk fell-as ad d-yini akk ayen i yesea d ttrika deg tazwara akked taggara n tesyent-is.

Asađuf yesbedd-d ttawilat n usemres n yimagraden-a.

**AMAGRAD 24 :** Attæddi s twuri yetteaqaab-it usađuf.  
Tettwayerm-d wazal n wayen i yettwakksen s leedel.

**AMAGRAD 25 :** Tasarayt n tedbelt yettwahrez deg usađuf.

**AMAGRAD 26 :** Awanek d amasay yef tyellist n yimdanen d sseayat.

**AMAGRAD 27 :** Awanek ad ixdem iwakken ad yehrez izerfan d tanfiwin n uyerman deg tmura tiberraniyin s uqadar n usađuf agraylan, imtawayen akked tmura n umagar d tneflust tayelnawt d tin n tmura ideg yezdey.

Awanek ad yelhu s usehbiber yef tmagit n yibermanen izedyen deg tmura tiberraniyin, ad yessegh-d assayen-nsen akked uylan, d uttikki-nsen deg usnegmu n tmurt iseg i d-uyen azar.

**AMAGRAD 28 :** Tzemmallt Tayelnawt Tayerfant ara d-yessuddsen s userked d usnegmu n unezmar n temhaddit n uylan.

Tazemmallt Tayelnawt Tayerfant ad telhu s usehbiber yef timmunent tayelnawt d umhaddi yef tnaya tayelnawt.

D nettat ara d-yelhen s umhaddi yef tyiwent d timadit n wakal n tmurt, asehbiber yef wadeg n wakal-is d wadeg n yigenni-ines d wadeg-is deg yillel.

**AMAGRAD 29 :** Lezzayer tegdel yef yiman-is abrid n Trad d tukksa n tnaya d tlelli i yigduden-nniden.

Ad texdem akk tazmert-is akken ad tefru timsal tigraylanin s ubrid n talwit.

**AMAGRAD 30 :** Lezzayer tbedd yer yidis n yigduden deg umennuy-nsen yef uslelli asertan, d udamsan, d uzref-nsen i ufrekman, mgal tamuḥqranit yebnan yef sseka.

**AMAGRAD 31 :** Lezzayer tedda deg ubrid n twizi tagraylant akked usnerni n wassayen n tdukkli gar yiwunak, yef Ilsas n usemsawi d tenfit n wagar-asen akked waranekcum di temsal tigensayin. Tettqadar imenzayen d yiswiyen n urkawel n tuddsa n Waylanen yeddukklen.

#### **IXF IV: YEF YIZERFAN D TLELLIYIN**

**AMAGRAD 32 :** Msawan yiγermanen sdat n usaḍuf, ur d-tettili kra n tmuhqranit yef ssebba n tlatit, n sseka, n wuzuf, n tidmi ney kra n umaylay d tagnit timanit ney tanmentit.

**AMAGRAD 33 :** D asaḍuf i d-yesbaduntaylent tazgayrit.

Deg usaḍuf i llant tewtilin n ussasi, n uḥraz, d tukksa d uneylluy n teylent tazgayrit.

**AMAGRAD 34 :** Tisuddwin beddent iwakken ad snekdent amsawi n yizerfan deg yiyanen n yal iγarmanen d tyarmanin s tukksa n wuguren mgal afsay n umdan d wayen ara yagin attiki-ines di tudert tasertant, tadamsant, tanmentit d tdelsant.

**AMAGRAD 35 :** Ad d-yefk uwanek afud i usmil n yizerfan isertanen n tmeṭṭut s usnerni n tegnatin n ugenses-ines deg yiseqquma yettwafernen.

D asaḍuf agmanan ara d-yesbanen amek ara d-yili useḍru n umagrad-a.

**AMAGRAD 36 :** Awanek ad yesseḥbiber yef usemsawi gar urgaz akked tmeṭṭut deg ayen yerzan ixeddim.

Awanek yessebyas asmil n tmassit n tmeṭṭut deg tsuddwin d tdeblin tizuyaz akked deg tkebbaniyin.

**AMAGRAD 37 :** Ilmezyen d afud yeddren deg usali n tmurt.

Asnerni n tzemmar-nsen d usfezwi-nsen d awanek ara d-yelhun yis-sen.



**AMAGRAD 38 :** Tilellyin tigejdanin akked yizerfan n umdan d iyarmanen ttwasnekkden.

D ayla yezdin Izzayriyen d Tezzayriyin, yewwi-d ad seħbibren fell-asen, ad ten-ssiwden seg tsuta yer tayed iwakken ad ten-herzen mgal bettu d truzi.

**AMAGRAD 39 :** Aħuddu uslig ney s ubrid n tdukkliwin yef yizerfan igejdanen n umdan d tlellyin tuslugin d tegrawanin yettwasenkke.

**AMAGRAD 40 :** Awanek yedmen nnif d lherma n umadan .

Yettwagdel yal udem n tekridt ama d tayarant ney d tafekkant.

Isnekyasen imsuđen, waralsan ney ubxisen imerret-iten usađuf.

**AMAGRAD 41 :** Arkađ n yizerfan d tlellyin akked unali n tfekka d tdemyant n umdan imerre-iten usađuf.

**AMAGRAD 42 :** Tilleli n twengimt d tleli n tikti ulac win ara tent-isamin.

Asemres n tfelsiwin yettwadmen s wannuz sdat n usađuf.

**AMAGRAD 43 :** Tilleli n usefti d uzenzi d azref, ad tettwasemres s wannuz sdat n usađuf.

Awanek ad yexdem iwakken ad isselhu tagnit n usefti. Ad yessebyes, war maħyaf, asefti n tkebbaniyin yellan s idis n unegmu n tdamsa tayelnawt.

D Awanek i d buzeggan ssuq. Ašađuf yeseħbibir yer izerfan n yimsudar.

Ašađuf yegdel taseglut d timsenyift warsađuf.

**AMAGRAD 44 :** Tilelli n usnulfu aggagan, aźuran d wussnan tettwasenkke i uyarman.

Asađuf yeħrez izerfan n umeskar.

Tadrest n kra n uđris ney n uklas ney n kra n wallal n taywalt ney yisallen, ur d-yettili ara war asireb ayedman.

Tilellyin tikadimiyyin d tlellyin n unadi ussnan ttwasnekkdent. Ttwasemrasent s wannuz sdat n usađuf.

Awanek ad yeqdec i usmel d tririt n wazal i unadi ussnan ilmend n usnegmu amezgan n uylan.

**AMAGRAD 45 :** Azref yer yidles yettwasenked i uyerman.

Awanek ad isehbiber yef tgemmi tadelsant tayelnawt tangawt d war tangawt am wakken ar t-yehrez.

**AMAGRAD 46 :** Tudert tusligt d yisseɣ n uyarman ur ten-yettsami yiwen yerna yehrez-itent usaɗuf.

Tettwasenked lbaɗna n tebratin akked taywalt n umadan s wudmawen-is merra.

Ulaç kra n usami n yizerfan-agi, war asireb ayedman. Asaɗuf yemret yal asami n umagrad-a.

Aseh̄biber yef umdan mgal aseqdec n yisefkan usligen d azref agejdan yettwasenkked deg usaɗuf yesseh̄bibiren fell-as.

**AMAGRAD 47 :** Awanek isenkked anekcum mebla tesrih̄ yer tnezduyt.

Ur yezmir ad yili uhettec n uxxam anagar s wannuz sdat n usaɗuf.

Ḥala s wannaɗ yuran syur adabu ayedman i yezmer ad d-yili uhettec n kra n uxxam.

**AMAGRAD 48 :** Tilleliyin n umeslay, n tdukkli d unejmae ttwasnekkdent i uyerma.

**AMAGRAD 49 :** Tilelli n tmesbanit tismekkit yettwasenkked i uyerman s wannuz sdat n usaɗuf ara isersen tisayliyin ilmend n waya.

**AMAGRAD 50 :** Tilleli n tyamsa yettwarun, n tillizrin d yizedwan n yisallen yettwasenkked. Ur tezmir ad yili kra n tedrest fell-asent.

Tilleli-a ur tezmir ad tili d allal i usexnunes n yiseɣ, taruzi n tlelli d yizerfan n wiyad.

Asnezwi n yisallen, d tiktiwin, tugniwin di tlelli yettwasenkked s wannuz sdat n usaɗuf u sdat n tirmeskilin tiyelawin d-icudden yer ddiyana d yidles d wansayen n uylan.

Tirmeggilt n tyamsa ur tezmir ad tettumret s tukksa n tlelli.

**AMAGRAD 51 :** Awwaḍ yer yisallen, isemlan d yigemmaḍ akked usmezwi-nsen ttwasnkken i uyarman.

Asemres n uzref-a ur ilaq ara ad d-yeglu s uefas n tudert n umdan, yef yizerfan n wiyad, d tenfiwin tizerfanin n tkebbaniyin d yisutar n tyellist tayelnawt.

D asaḍuf ara d-yesbanen amek ara d-yili useḍru n umagrad-a.

**AMAGRAD 52 :** Azref n uslali n yikabaren isertanen yettwasenked .

Azref-a ur yezmir ad yili d allal i uefas yef tlelliyn tigejdanin, yef wazalen d yisbeddan n tmagit tayelnawt, yef tdukkli tayelnawt, yef tyellist akked timmadit n wakal ayelnaw, yef uzarug n tmurt, yef tnaya n ugudu akked d talya tgdudant n uwanek.

S uqadar n yimenzayen n tmendawt-a, ur yezmir ad yili uslali n yikabaren yef llsas n ddiin, n tutlayt, n sseka, n wuzuf, n yimahilen ney n temnaḍit.

Adellel ikabaren ur yezmir ara ad yessexdem iferdisen d-yettwabedren di tseddart ufella.

Yettwagdel kennu ikabaren isertanen yer kra n tenfiwin tiberraniyin ama yer ikabaren ama yer tdukkliwin.

Ur yezmir kra n ukabar ad yewwet s yiyil d uḥettem akken byun ilint.

Isefkan d yiyanen-nniḍen ad d-ttwasbegnen s usaḍf agemnan.

**AMAGRAD 53 :** S wannuz sdat n umagrad 52 n ufella, ikabaren n tsertit yettwarugen sean azref yer waya :

- Tilleli n tikti, n umeslay d temlilit;

- Akud deg wallalen n taywalt izuyar, ad yeddu almend n ugenses-nsen di tmurt;

- Wid yettikin deg ugraw ayelnaw, sean azref yer tedrimt, am akken d-yettwabeggen deg usaḍuf.

- Aselken n udabu amnaḍan ney ayelnaw, s wudem n temlellit tamagdayt s wannuz sdat n yimenzayen n tmendawt-a;

D asaḍuf ara d-yesbanen amek ara d-yili useḍru n umagrad-a.

**AMAGRAD 54 :** Azref n uslali n tdukliwin yettwasenkked.

Awanek yessebyas afessay n umussu asdukklan.

Asaḍuf agemnan ad d-yessebgen tiwtilin n uslali n tdukliwin.

**AMAGRAD 55 :** Yal aýerman iwumi ur ttwakksen ara izerfan-is iýermiyen d yisertanen, yesæa azref ad yefren anda ara yezdey, d wanda ara yeddu deg wakal ayelnaw.

Azref n unekcum ney n tuffya seg wakal ayelnaw yettwasenkked.

Anagar s tannaḍt yuran s-yur adabu aýedman i izemezn ad tekkes izerfan-a i tallit ibanen.

**AMAGRAD 56 :** Yal amdan ad yeqqim d amelsi alamma tettwabeggen-d lfaḷta-s sdat ccree ara s-yefken ttawilat akken ad iḥudd yef yiman-is.

**AMAGRAD 57 :** Imeyban sean azref i tallelt tayedmant.

Aṣaḍuf ad d-isebgen tiwtilin n useḍru n waya.

**AMAGRAD 58 :** Yiwen ur yezmir ad yettuneḥsab d amfalṭi anagar ma yella usaḍuf yeffey-d send lfaḷta-nni.

**AMAGRAD 59 :** Ur d-yettili ucaræ, aḥbas ney aqette anagar ma llant tewtilin d-ibeggen usaḍuf akked wudmawen i asent-yefka.

Tiwtilin n uqetteb ueḍil ad d-yili s usaḍuf ara d-ibegnen akud, d tyeznin akked d useyzef-ines.

Asaḍuf yemret aseḥbes d uqetteb n ljur.

**AMAGRAD 60 :** Deg unnar n tasastant tafgurt, aqetteb i umuqel, yeqqen yer uswad aýedman, ur yezmir ad yekk nnig 48 n tsaetin.

Amdan yettwaqetteben yur-s azref ad ixebber tawacult-ines d umatu.

Yewwi-d yef win yettwaqetben i umuqel ad izer belli yezmer ad yemmeslay d ubugaṭu-ines. Amzerfu yezmer ad yerr talast i usemres n uzref-a, di tegnatin tusludin, am wakken yettwajerred deg usaḍuf.

Aseyzef n uqetṭeb i umuqel yezmer ad yili kan di kra n waddaden usliden almend n wayen yellan deg usaḍuf.

Yer taggar n uqetṭeb i umuqel, amdan yettwatṭfen ilaq ad t-iwali umejjay ma yella yessuter-it-id, akken yebyu yili ilaq ad izer ayagi d azref-ines.

Ilmezyen ue newwiḍ ara ilaq ad ten-izer umejjay.

**AMAGRAD 61 :** Tuccḍa tayedmantt tgellu-d s unejbar n uwanek.

D asaḍuf ara d-ibeggnen tiwtilin n usedru n ujbar

**AMAGRAD 62 :** Yal ayerman yesdukklen tiwtilin tissentayin, yyur-s azref ad yefren yerna ad yettwafren.

**AMAGRAD 63 :** Asemsawi gar yiṣermanen deg yixeddim yer tsuddwin n uwanek, yettwasenked anagar tiwtilin i d-yebder usaḍuf.

Taylent tazayrit tawḥidt tettwasuter i useylef unnig akked twuriwin tisertanin deg uwanek.

Asaḍuf ireṣṣa amuy n tmassiyin tunnigin akked twuriwin tisertanin d – yettwabedren s ufella.

**AMAGRAD 64 :** Ayla uslig yettwasenkked.

Azref yer ttrika yettwasenkked.

Ayla n Lwaqf iqerra-d yis-s usaḍuf: aseqdec-n sen yettwabeggen-d deg usaḍuf.

**AMAGRAD 65 :** Azref i uselmed yettwasenkked.

Aselmed azuyar yettili-d baṭṭel akken llant tewtilin d-ireṣṣa usaḍuf.

Aselmed agejdan d imḥettem

Awanek yesuddus Anhil n uselmed ayelnaw

Awanek ad yili d lmenndad i ulmad d usiley amsider .

**AMAGRAD 66 :** yal iyermanen sean azref yer usehbiber yef tdawsa-nsen.

D awanek i yettḥebbiren i waṭṭanen i neṭṭden d wid yettayan timnaḍin.

D awanek ara d-yeslalen tiwtilin n usejji n yimeyban.

**AMAGRAD 67 :** yessebyas uwanek asali n tnezduyin.

Awanek yetteawan imeyban iwakken ad seun tanezduyt.

**AMAGRAD 68 :** Ayerman yur-s azref ad yidir deg twennaḍt tazedgant.

Yewwi-d yef uwanek ad yessehbiber yef twennaḍt.

D asaḍuf ara d-ibeggnen iyanen n yimdanen akked tsuddwin i usehbiber yef twennaḍt.

**AMAGRAD 69 :** Iyermanen akken ma llan sean azref ad xedmen.

Azref n umastan, n tyellist akked tezdeg deg lxedma yedmen-iten usaḍuf.

Azref n usgunfu yettwadmen ; d asaḍuf ara d-yesbeggnen amek ara yettwasemres.

Yessenked usaḍuf tayellist tanmettit n uxeddam.

Imerret usaḍuf asexdem n yigerdan ddaw n 16 n yiseggasen.

Yewwi-d yef uwanek asnerni n usegmek am wakken ad d-tger afus s tsertiyin n tallelt i uslali n yimekwan n lxedma.

**AMAGRAD 70 :** Iyermanen akken ma llan sean azref anemlan.

**AMAGRAD 71 :** Azref n usended iqerra-d yis-s uwanek. Ad yettwasemres s wannuz sdat n usaḍuf.

D asaḍuf-a i yezmren ad yegdel ney ad yerr talast i usemres-ines deg yiḥricen n temḥaddit tayelnawt akked tyellist, ney deg yirmad yeqqnen yer tudert.

**AMAGRAD 72 :** Tawacult iḥrez-itt uwanek d tmetti.

Tawacult, timetti akked uwanek sseħbibiren yef yizerfan n yigerdan.

Igerdan ur nessi imawlan, d wid yettwağğan, d awanek ara ten-iqablen tudert-nsen.

Asađuf yetteaqab asexdem n tekriř mgal iegrđan.

Yewwi-d yef uwaney ad tessishel i yimehzal d yimaedar yehwağen yer izerfan n yal iyermanın d usidef-nsen di tmeddurt tanmettit.

Yewwi-d yef twacult akked uwanek ad sseħbibren yef yimyaren.

D asađuf ara d-yesbegnen amek ara d-yili usedru n umagrad-a.

**AMAGRAD 73 :** Ttwasnekdent tewtilin n tudert n yiyermanen urad nezmir, ney wid ur nezmir mađi ad xedmen, d wid ur mazal ad izmiren ad xedmen.

#### **IXF V : AĶANEN**

**AMAGRAD 74 :** Ur yeyzi win ur nessin asađuf.

Ilaq yef yal amdan ad iqader tamendawt, yerna ad yeddu akken llan isuđaf n tigduda.

**AMAGRAD 75 :** Yewwi-d yef yal aerman ad yesseħbiber yef timmument n tmurt d tmassit-ines akked uzdi n wakal-is ayelnaw, rnu yur-s tadukkli n ugdud-is akked yizamulen n uwanek.

Yettmerrit usađuf lexde, tiħerkelt, iqannan d utruzzi d wayen akk ara d-yeglun s lemđerra i tyellist n uwanek.

**AMAGRAD 76 :** Yal aerman yewwi-d fell-as ad yexdem akken iwatan metwal tadgent tayelnawt.

Yewwi-d yef yal aerman ad yetteki deg useħbiber yef tmurt imi wagi d ayan uyris imezgi.

Awanek yedmen aqader n yizamulen n tegrawla, aktay n yimeyrasen d lħerma n dderya-nsen akked yimjuhad.

Txeddem yef usnerni n tira n umezruy d uselmed-ines i tustwin timezyanin.

**AMAGRAD 77 :** Tillellyin n yal yiwen ttwsemrasent s wannuz sdat n yizerfen n wayed i d-yeddand di tmendawat, labaæda deg uqader n uzerf yerzan nnif, lbaðna d usehbiber yef twacult, d tin n yilmezyen d yigerdan.

**AMAGRAD 78 :** Ur yettili umgarad gar yiýermanen sdat n tebzert.

Yal yiwen ilaq ad yetteki deg uxelles n wayen i as-d-tewwi tebzert, almend n wayen i d-yessekcem.

Ulaç tabzert i d-yettwasbedden berra n usaðuf.

Ulaç tabzert ney tiwsi ney leyrama akken tebyu tili ara yettwaḥsaben yef wayen yezrin.

Yal tigawt ara yerren deg yidis amsawa n yimdanen d tsuddiwin sdat n tebzert tettusemma d taædiya yef lfayda n ugraw ayelnaw. Ayagi imerrer-it usaðuf.

Asaðuf yettmerrit aserwel n tebzert akked usuffey n tedrimt.

**AMAGRAD 79 :** Imawalen tewwi-d fell-asen ad snegmen tarwa-nesn, ma ulaç ad ttumerten, ma d tarwa, yewwi-d fell-asen ad eiwnen imawlan-nesen.

**AMAGRAD 80 :** Yal aýerman ilaq ad yessehbiber yef wayla azayzan d tenfiyin n ugraw ayelnaw d uqader n wayla n medden.

**AMAGRAD 81 :** Asaðuf yettḥarab yef yal amdan aberrani yettidiren deg wakal ayelnaw, d wayla-s.

**AMAGRAD 82 :** Ulaç win ara yettwazzeen si tmurt anagar s ubrid n usaðuf.

**AMAGRAD 83 :** Ulamek ara d-yili tuzzeæ n yiminfi asertan yettidiren di tmurt ddaw laenaya n usaðuf.

## **AZWEL WIS SIN : ASUDES N YIDUBA**

### **IXF I : ADABU ASELKAM**

**AMAGRAD 84 :** Aselway n tigduda, d ayella n uwanek, yesmad tadukkli n tmurt.

D tṭamen n tmendawt.



Yesmad awanek di tmurt d berra n tmurt.  
Yettutlay srid i uylan.

**AMAGRAD 85 :** Aselway n tigduda yettwafren s tefranin timayradin, srid s tuffra.

Yettwafren s tuget n leswat yettwasenfalin.

Asaḍuf agemnan d netta ara ireşşin tifranin n tselwit-nniḍen.

**AMAGRAD 86 :** Aselway n tigduda yessemras tinneflest tunnigt seg wayen i as-tefka tmendawt.

**AMAGRAD 87 :** Iwakken ad yettikki di tefranin n tselwit n tigduda, amenkad yessefk fell-as:

- Ur d-yuy ara taylent taberranit ;
- Yessea kan talentt tazgayrit tanaşlit am akken ilaq ad d-ibeggen taylent tazgayrit tanaşlit n baba-s akked yemma-s ;
- Ad yili d ineslem ;
- Ad yeqfel 40 iseggasen di leamer-is ass n tefranin ;
- Ad yili yesmed akk izerfan-is iyarimen d yizerfan isertanen ;
- Ad d-ibeggen taylent tazgayrit tanaşlit tayiwent n tmettut-is ;
- Ad d-ibeggen belli d amezday amezgi di lezzayer 10 n yiseggasen send ad yessers zzmam-is n umenked di tefranin ;
- Ad d-ibeggen s uttekki ines di tegrawla n umezwaru n wamber 1954 i yimreḥen ilulen send yulyu 1942 ;
- Ad d-ibeggen belli imawlan n umenkad ilulen seld yulyu 1942 ur ttekkkan ara di kra n yigi mgal tagrawla n umezwaru n wamber 1954 ;
- Ad d-iberreḥ yef wayen yekseb di tmurt ney di berra n tmurt n Lezzayer.

D asaḍuf agemnan ara d-yawin tiwtilin-nniḍen.

**AMAGRAD 88 :** Tamazant n tselwit tettataf 05 n yiseggasen.

Yiwet n tikkelt kan i yezmer uselway ad as-yales i tefrant n tselwit.

**AMAGRAD 89** : Aselway n tigduda ad yeggal sdat n ugdud, s tihawt n yiεeggalen unnigen n uylan, di ddurt ara d-iḍefren afran ines.

Ad yebdu axeddim-is seld taggalit-ines.

**AMAGRAD 90** : Taggalit n uselway n tigduda ad d-tili s wawalen-agi :

S yisem n Rebbi aḥnin yetḥunnun

S tekdit n yiseflan yeylin yef tmurt d lerwaḥ n yimeyrasen d wazal tesεa tegrawla n wamber, ad ggalley s Rebbi unnig ameqran, d akken ad qadrey dḍin n lislam yerna ad t-kabrey, ad iliy amastan n tmendawt, ad εawzey yef tizgin n uwanek, ad xedmey iwakken ad d-sweyday akk ayen ilaqen i tikli n tsuddiwin d unagraw amendaw, ad xedmey i usnerti n tikli deg ubrid n tugdut n tmurt, ad qadrey tilelli n ufran n ugdud akked tsuddwin n Tegduda d isuḍaf ines, ad seḥbibrey yef wakal ayelnaw d tdukli n ugdud, ad seḥbibrey yef tlelliwin tigejdanin n umdan d uyerman, ad xedmey mebla astehzi mebla ayfal yef unegmu n ugdud, ad xedmey akk tazmart-iw deg ubrid n yimenzayen unnigen n teydemt akked tlelli d talwit deg umaḍal.

Rebbi d Anagi yef ayen d-nniy.

**AMAGRAD 91** : Ugar n yiduba i as-tefka tmendawt, Aselway n tigduda :

- 1- D ayella unnig n yiyallen iserdasen n tigduda ;
- 2- D amastan n temḥaddit tayelnawt ;
- 3- D netta i yessebdaden, yesselḥuyen tasertit taberrannit n uylan ;
- 4- Yesselway Useqqamu n yineylafen ;
- 5- D netta i yettεegginen Aneylaf amezwaru s lemcawra n tuget tabarlamanit, d netta diyen i izemren ad t-yesseḥbes ;
- 6- Yessezmal tanadın tiselwayanin ;
- 7- Yesεa azref n usuref akked n usenyes di lmertat ney asenfel-nsent;
- 8- Yezmer ad yerr rray i wegdud yef yal tamsalt tayelnawt ;
- 9- Yessezmal imtuwa igraylanen yerna yessisḍifiten ;
- 10- Yettak cciεat d tejmilin d izwilen n lḥerma n uwanek.

**AMAGRAD 92** : Aselway n tigduda yettεeggini :

- 1-tiwuriwin d tmazzanin yellan di tmendawt ;
- 2-tiwuriwin tiyarimin d tserdasiyin n uwanek ;
- 3-tteeyinat d-ihegga n Useqqamu n yineylafen ;
- 4- Aselway amezwaru n tsenbert tunnigt ;
- 5- Aselway n Useqqamu n uwanek ;
- 6- Amaray Amatu n unabaḍ ;

- 7- Amnbaḍ n lbanka n Lezzayer ;
- 8- Ineflusen ;
- 9- Immasayen n yiyallen n laman ;
- 10- Iwaliyen.

Aselway n Tegduda yettēyyin yerna yettekkes inmahalen akked imceyēn yeffyēn i tnumi n Tegduda di berra.

Yettaḥaf-d tibratin n usefles n yigensasen idiblumasiyen iberraniyen.

Ugar n wayen d-yeddān deg tseddarin tis 3 akkeed 4, d asaḍuf agemnan ara d-ibeggnen lxedmat ara yettēyyin Uselway n Tegduda.

**AMAGRAD 93 :** Aselway n tigduda yettēyyin iēggalen n unabaḍ send lemcawra akked uneylaf amezwaru.

Aneylaf amezwaru ad d-yelhu s tuqqna n tigawt n unabaḍ.

Anabaḍ ad d-iheyi ahil n tigawt-ines ara d-yesken sdat useqqamu n yineylafen.

**AMAGRAD 94 :** Aneylaf amezwaru ad isers ahil n tigawt n unabaḍ gar ifassen n Useqqamu Aḡerfan Aḡelnaw. Aseqqamu Aḡerfan Aḡelnaw ad yeskasi ahil-agi.

Aneylaf Amezwaru yezmer ad yessenfel ahil n tigawt almend n uskasi-agi s lemcawra akked Uselway n Tigduda.

Aneylaf Amezwaru Ad d-isers i uskasi, gar yifassen n Useqqamu n Waylan, ahil n tigawt n Unabaḍ akken t-yeqbel Aseqqamu Aḡerfan Aḡelnaw.

Aseqqamu n Waylan yezmer ad d-yefk tanbaḍt.

**AMAGRAD 95 :** Ma yella Aseqqamu Aḡerfan Aḡelnaw ur yeqbil ara ahil n tigawt n Unabaḍ, Aneylaf Amezwaru ad yessuter seg Uselway n Tigduda atixer n unabaḍ.

Aselway n Tigduda ad iēggen i tikkelt nniḍen Aneylaf Amezwaru amaynut almend n ubrid i as-yefka usaḍuf.

**AMAGRAD 96 :** Ma yella Wahil ur yetwwaqbal ara i tikkelt tis snat, d Aseqqamu Aḡerfan Aḡelnaw ara yetixren.

Anabađ ad ikemmel ad ixdem ayen ieejlen alamma d tifrannin n Useqqamu Ayerfan Ayelnaw di 3 n wagguren ara d-idefren atixer n Useqqamu amezwaru.

**AMAGRAD 97 :** Aneylaf Amezwaru ad isselkem Ahil n tigawt yettwaqeblen syur Aseqqamu Ayelnaw Ayerfan.

**AMAGRAD 98 :** Anabađ ilaq ad d-isers gar yifassen n Useqqamu Ayerfan Ayelnaw yal aseggas tiyri n tsertit tamatut.

Tiyri n tsertit tamatut d tagnit i usqerdec n tigawt n unabađ.

Askasi-agi yezmer ad d-yeglu s kra n tenbađt.

Am wakken yezmer ad yili d tagnit i usrusu n usumer n tedrest amlend n wayen d-yeddan deg yimagraden 153, 154 akked 155 i d-iteddun.

Aneylaf Amezwaru yezmer ad yessuter deg Useqqamu Ayerfan Ayelnaw tafrent n teflest.

Ma yella ur yettwafren ara usumer n teflest, Aneylaf Amezwaru Ad yessuter atixer unabađ.

Yezmer uselway n Tigduda, di tagnit am ta, send ad yeqbel atixer n unabađ, ad yessexdem amagrad 147 i d-iteddun.

Yezmer diyen unabađ ad d-isers Tiyri n tsertit tamatut i Useqqamu n Waylan.

**AMAGRAD 99 :** Ugar n yiduba i s tefka tmendawt, Aneylaf Amezwaru yesɛa lkalafat-agi :

1-Ibettu lkalafat gar ieggalen n unabađ, s wannuz n wayen d-yeddan di tmendawt ;

2-Yetteassa yef lemquadra n isudaf d walug ;

3-Yesselway igrawen n Unabađ ;

4-Yessizmil tanađin tiselkamin ;

5-Yetteyyin di twuriwin n uwanek, send aqbal n Uselway n Tigduda war aeeddi n wayen d-yeddan deg yimagraden 91 akked 92 n ufella.

6-Yetteassa yef useddu n tedbelt tazayezt.

**AMAGRAD 100 :** Yezmer Uneylaf amezwaru ad yessuter deg Uselway n Tigduda Atixer n Unabađ.

**AMAGRAD 101 :** Aselway n Tigduda ur yezmir ara ad ikellef wayeḍ ad iḍeyyen Aneylaf Amezwaru, iḍeggalen n unabaḍ ney iselwayen n tsuddutin timendawin iwumi ur d-theggi ara tmendawt kra n ubrid i uḍeyyen-nsen.

Am akken ur yezmir ara ad yefk lkalafa n tuyalin ar ugdud ney n usefsex n Useqqamu Aḍerfan Aḍelnaw, ney n uheyyi n tefranin tiḍelnawin uqbel lawan, ney n usemres n yimagraden 91, 92, 105, 107 almi d 109, 111, 142, 144, 145 akked 146 n Tmendawt.

**AMAGRAD 102 :** Mi ara yili uselway n Tegduda ur yezmir ara ad d-yelhu d ccyel-is ssebba n lehlak iweeren ney idumen, Aseqqamu Amendaw ḡur-s azref ad yennejmae. Syin ḡur-s mi iwala s tbut liḡala n Uselway, yezmer ad isumer i Useqqamu Aḍerfan Aḍelnaw ad iberreḡ s liḡala n wartazmert n uselway.

Sin n Yiseqquma ad nnejmaeen iwakken ad d-berrḡen s liḡala n wartazmert n uselway, s tuget n sin imuren yef 3 n yiḍeggalen-is, wad d-sbedden Aselway n Useqqamu n Waylan d Aselway n leḍil n uwanek i 45 n wussan almend n umagrad 104 n Tmendawt.

Ma yella mazal Aselway di liḡala n wartazmert seld 45 n wussan, ad d-ittuberreḡ s ustixer-ines akken d-yettubeggen di tseddarin-agi n ufella akked tiggad d-iteddun n umagrad-a.

Ma yella-d utixer ney tmettant n Uselway n Tegduda, Aseqqamu Amendaw ad innejmae iwakken ad d-yefk tbut s wudem unḡib yef wartilin n Tiselwit n tigduda.

Ad d-yefk Usqamu Amendaw tiḡri n wartilin-agi i lbarlaman ara yennejmaeen.

D Aselway n Useqqamu n Waylan ara yetḡfen amkan n Uselway n Tigduda i tallit ur nezmir ad d-tḍeddi 90 wussan, di tallit-agi i deg ara d-ttusuddsent tefranin n tselwit.

Ayella n uwanek n tallit-agi ur yezmir ara ad yili d amenkad yer tselwit n tigduda.

Ma yella mmlalen-d utixer ney lmut n Uselway n Tigduda d wartilin n Tiselwit n Useqqamu n Waylan, Aseqqamu amendaw ad d-iberreḡ s wartilin n umkan n tiselwit n tigduda d wartazmert n Uselway n Useqqamu n Waylan.

Di liḡala-agi, d Aselway n Useqqamu Amendaw ara yetḡfen amkan n Uyella n uwanek almend n umagrad 104 n Tmendawt.

Ur yezmir ad yili d amenkad yer tselwit n tigduda.

**AMAGRAD 103 :** Ma yella yiwen umenked yettwaqbel syur Aseqqamu Amendaw, ur yezmir ad yettwakkes anagar ma tella-d lħala n wartazmert i ywala s tbut Useqqamu Amendaw ney tella-d tmettant n umenkad.

Mi ara iwexxer yiwen seg yimenkad ieeddan ar twala tis snat, tifernin ad kemmlent am akken ulac acu d-yellan.

Ma yella-d usekker ney lmut n yiwen gar imenkad ieeddan yer twala tis snat, Aseqqamu Amendaw ilaq ad iberreħ s ueiwed n tefranin si lqaε. Ad yessebru s 60 n wussan i uheyyi n tefranin timaynutin.

Akken yebyu yili, Aselway n tigduda ney Ayella n uwanek ad ikemmel ixeddim-is alamma d taggalit n Uselway n Tigduda amaynut.

D asađuf agemnan ara d-beggnen amek ara d-yili useđru n wayen d-yeddan deg umagrad-agi.

**AMAGRAD 104 :** Anabađ yellan deg umkan mi ara-d-tili wartazmert ney lmut ney utixer n Uselway n Tigduda, ad yeqqim alamma ikcem-d Uselway n Tegduda amaynut.

Ma yella Uneylaf Amezwaru d amenkad s timmad-is, tewwi-yas-d ad yettixer seg umkan-is.

Amkan-is ad t-yettef yiwen seg yiεeggalen n unabađ ara d-yettuseynen syur Uyella n uwwanek.

Di talliyin d-yeddan deg yimagraden 102 akked 103 n ufella, ur ilaq useqdec n tseddarin 7 akked 8 n umagrad 91 akked yimagraden 93, 142, 147, 154, 155, 208, 210 akked 211 n Tmendawt.

Di talliyin agi, ayen d-yeddan deg yimagraden 105, 107, 108, 109 akked 111 n Tmendawt ur yezmir ad yettuseqdec mebla lebyi n lbarlaman s snat n txammin ines, Aseqqamu Amendaw akked Useqqamu Unnig n Tyellist.

**AMAGRAD 105 :** Ma yella ilaq yerna ilzem-it lħal, Yezmer Uselway n Tigduda ad d-iberreħ s waddad n leħris ney addad n usutel, i yiwet n tallit ibanen i deg ara d-yaf ttawil i tuyalin yer talwit, send Anegraw n Usqamu Unnig n Tyellist akked uciwer n Uselway n Usqamu n Uylan, Aselway n Usqamu Ayerfan Ayelnaw, Aneylaf Amezwaru akked Uselway n Usqamu Amendaw.

Tallit n waddad n leħris ney n waddad n usutel ur tezmir ad tettwasiyzeɛ anagar s lebyi n lbarlaman s snat n texxamin ines.

**AMAGRAD 106 :** Asuddes n waddad n leħris ney addad n usutel ad d-yili s lmendad n usaḍuf agemnan.

**AMAGRAD 107 :** Mi ara tili tmurt yef yiri n twayit i izemren ad d-teglu s leekala i tsuddiwin-ines ney ad tessenyəs di tmument ines ney deg tdukli n wakal ines, Aselway n Tegduda yezmer ad d-iberreħ s waddad uslid.

Taytest am ta ur tezmir ad tettwittef mebla aciwer n Uselway n useqqamu n Waylan, n Uselway n Useqqamu Ayerfan Ayelnaw, akked Uselway n Useqqamu Amendaw, s timesliwt n Useqqamu Unnig n Tyellist akked Useqqamu n Yineylafen.

Addad uslid yettak azref i Uselway n Tegduda ad yettef akk tiytisin ilaqen ara yesseħbibren yef timument n waylan akked tissuddiwin n tegduda.

Imir, anegraw n lbarlaman ilzem-it lħal.

Addad uslid ad ifak, am akken i d-yebda, s uḍfar n tsekkirin i t-id-yessbedden.

**AMAGRAD 108 :** S tmesliwt n Useqqamu Unnig n Tyellist, n Uselway n useqqamu n Waylan akked Uselway n Useqqamu Ayerfan Ayelnaw, Aselway n Tegduda yezmer ad d-iberreħ s ubgas amatu deg Useqqamu n Yineylafen.

**AMAGRAD 109 :** Send anegraw n Useqqamu n Yineylafen, d timesliwt i Useqqamu Unnig n Tyellist, d uciwer n Uselway n Useqqamu n Waylan, n Uselway n Useqqamu Ayerfan Ayelnaw akked Uselway n useqqamu Amendaw, Aselway n Tegduda ad d-iberreħ s waddad n ttrad ma tella-d tteḍdiya, s wannuz sdat n isuḍaf n Ugraw n Leħnas Yeddukklen.

Imir, anegraw n lbarlaman ilzem-it lħal.

Aselway n Tigduda ad d-yefk izen s waya i waylan.

**AMAGRAD 110 :** Di tallit n waddad n trad, tamendawt tettwacengel, iduba irkelli ad uyalen gar ifassen n Uselway n tegduda.

Ma tewweḍ tmazzant n Uselway n tegduda yer taggara, ad tettwaseyzeɛ alamma d taggara n trad.

Ma yella-d utixer ney lmut ney kra n uækkur nniden n uselway n tegduda, d Aselway n Useqqamu n Waylan ara yettffen amkan-is s yisem-is d Ayella n uwanek. Akk iduba yesæa uselway n tegduda deg waddad n trad ad d-uḡalen gar ifassen-is.

Ma yella tella-d wartilin n Uselway n tigduda akked uselway n Useqqamu n Waylan, d Aselway n Useqqamu amendaw ara yettffen amkan n Uyella n uwanek sdat wannuz n tewtilin n ufella.

**AMAGRAD 111** : D Aselway n tegduda i yessezmalen imtuwa n weḡbas n ccwal ney n talwit.

Aselway n tegduda ad iciwer, deg wannect-a, Asqamu Amendaw.

Imir kan ad yessers imtuwa-agi gar ifassen n yal yiwet deg texxamin n lbarlaman i weqbal nsen.

## **IXF II : ADABU ANEFLUS**

**AMAGRAD 112** : D lbarlaman, s snat n texxamin ines, Asqamu Ayerfan Ayelnaw akked Usqamu n Waylan, i yessemrasen adabu aneflus.

Ddaw tanaya n lbarlaman i d-ttuheggin isudaf, i ttufranen.

**AMAGRAD 113** : Lbarlaman d amaswad n tigawt n unabad s wannuz sdat n tewtilin d-yeddand deg yimagraden 94, 98, 151 akked 152 n Tmendawt.

Tasweḡt d-yettubedren deg yimagraden 153 alma d 155 n Tmendawt, tettusemres syur Asqamu Ayerfan Ayelnaw.

**AMAGRAD 114** : Tanmegla tabarlamanit yur-s azref ad d-tettiki s ttbut di leqdic n lbarlaman akked tudert tasertit, abaeda :

- 1- tilelli n tidmi, n tantala akked unegraw ;
- 2- tallelt s tedrimt yettunefken i wufrinen n lbarlaman ;
- 3- attikki n tidet deg leqdic aneflus ;
- 4- attikki n tidet deg tesweḡt n tigawt n unabad ;
- 5- agenses iwatan deg tesqmuyin n snat n texxamin n lbarlaman ;
- 6- acetki i Useqqamu Amendaw, am akken d-yedda deg umagrad 187 (taseddart 2 akked 3) n Tmendawt, yef isudaf yef d-llant tefranin ;
- 7- attikki deg tdiblumasit tabarlamanit ;



Yal taxxamt di lbarlaman tettnegraw tikkelt i waggur iwakken ad tesqerdec isumar n trebbuyæ tibarlamanayin tinmaglayin.

D ilugan igensanen n snat n texxamin n lbarlaman ara d-ibeggnen amek ara d-yili usedru n umagrad-a.

**AMAGRAD 115 :** Deg ayla i t-id-işaḥen di tmendawt, lbarlaman ad yeqqim d amekdi i tmazzant i as-yefka weyref, ad yezg d amseflid i yisaramen-is.

**AMAGRAD 116 :** Amazan n Usqammu n uylan ad d-yelhu d tmazzant-is ar taggara-s.

Deg yilugan igensanen n useqammu aḡerfan aḡelnaw d useqammu n uylan, ilaq ad ilin isedruyen ara iḥettmen atteki n yiēeggalen-nsen yer tsuqumma akked yigrawen n uskasi, rnu yer waya amerret n yinabayen.

**AMAGRAD 117 :** Tayli tmazant-is i wufrin n Usqamu Aḡerfan Aḡelnaw ney n Usqamu n Waylan ara yettixren s lebyi-s seg ukabar i deg id-yettwafren.

Asqamu amendaw i wumi d-yeccetka uselway n texxamt teena temsalt ad d-iberreḥ s wartilin n wattag. D asaduf ara d-iheggin amek ara d-yili urgali-s.

Amazan ara yettixren ney ara yettwaderqen seg ukabar-ines, ad yehrez tamazant-is, ad yuḡal d amazan ilelli.

**AMAGRAD 118 :** Iēeggalen n useqammu aḡerfan aḡelnaw ttwafranen s tefranin timaḡalin, srid yerna s tuffra.

Iēeggalen n useqammu n uylan ttwafernen i sin yimuren yef krad (2/3) s tefranin tarusridin yerna s tuffra, sin n wattugen i yal agezdu, si gar iēeggalen n usqamu aḡerfan ayiwan ney seg wid n useqammu aḡerfan n ugezdu.

Yiwen n umur yef krad (1/3) n yiēeggalen n usqamu n uylan ad ilin ifren-iten-id uselway n tegduda si gar yimdanen ixataren n tmurt d tzemmar tiḡelnawin.

**AMAGRAD 119 :** Asqamu aḡerfan aḡelnaw yettwafren ilmend n semmus (05) n yiseggasen.

Tamazant n usqamu n uylan ad teqqim i seddis (06) n yiseggasen.

Azgen n tsuddest n usqamu n uylan tettwales yal krad (03) n yiseggasen.

Tamazant n lbarlaman ur tettwaseyzaf ara anagar ma yella kra u uekkir ameqqran ara d-yekken mgal asedru n tefranin.

D lbarlman s snat texxamin-is yennejmaæen akken ara iyesten di temsalt-a, s usumer n uselway n tigduda, d uciwer n useqammu amendaw.

**AMAGRAD 120 :** D asaɗuf agemnan ara d-ibeggnen amek ara d-ilint tefranin n yimazanen d tefranin yerzan iæggalen ney wid yettwaxtaren i usqamu n uylan, d tewtilin i ufran-nsen, rnu yur-s amek ara yili unagraw n warafran d umyagwi-nsen, d wamek ara d-yili lexlax aberlamani.

**AMAGRAD 121 :** Yal taxxamt i yiman-is ad tesisdef tamazant n yiæggalen-is ama d imazanen ama d iæggalen n usqamu n uylan.

**AMAGRAD 122 :** Yal tamazant d tayelnawt ama d tin n umazan ney ueggal n usqamu n uylan. Tettwales, ur tettdukkul ara d tmazanin ney twuriwin-nniɗen.

**AMAGRAD 123 :** Yal amazan ney yal aeggal n usqamu n uylan ur nesei ara tiwtilin n ufran ines, ad as-teyli tmazant.

Aneyluy-agi yettwseytes s-yur aseqamu aɣerfan aɣelnaw ney asqamu n uylan s tuget n yiæggalen-ines.

**AMAGRAD 124 :** Amazan ney aeggal n usqamu n uylan d amasi sdat tarbaet-is, am wakken zemren ad as-kksen tamazant-ines ma yella iga tacmat yessamsen tawuri-s.

Ilugan igensayen n yal taxxamt d nutni ara d-ibeggnen amek ara kksen i umazan ney aeggal n usqamu tmazant-ines. Ad d-yettuberreh yis-s, almend n wayen yedran, ama d asqamu aɣerfan aɣelnaw ney asqamu n uylan, s tuget n yiæggalen-is, aya mebla ma yella kra n umasi ney kra n uɗfar n uzref amazday.

**AMAGRAD 125 :** Tiwtilin ideg yezmer lbarlaman ad yeqbel attixer n yiwen seg yiæggalen-is ad tent-id-ibeggen usaɗuf agemnan.

**AMAGRAD 126 :** Tanseqqit taberlamanit d ayla n yimazanen d yiæggalen n useqammu n uylan di tallit n tmazant-nsen.

Ur yettili uɗfar aɣedman mgal-is, uqetṭeb-ines, s umata ur d-tettili kra n tigawt; ama d tayarimt ney d taydimt, am wakken ur d-tettili fell-asen kra n lḥers yef wayen d-senfalin ney n wayen fernen di tallit n tmazant-nsen.

**AMAGRAD 127 :** Ulac kra n uɗfar aɣedman ara yilin mgal amazan ney aɛggal n usqamu n uylan, ilmend n unya ney tirmeggit, anagar ma iɛemmed bab-is, ney s wurag, almend n wayen yeɗran, deg usqamu aɣerfan aɣelnaw ney n usqamu n uylan, ara iqesden s tuget n yiɛggalen-is s uneyluy n tenseqqit-ines.

**AMAGRAD 128 :** Ma tella-d kra n tirmeggit tufɗiɗt ney n unya ufɗiɗ, yezmer ad d-yili uqetteb n umazan ney n uɛggal n usqamu. Tanarit n usqamu aɣerfan aɣelnaw ney n usqamu n uylan, almend n tejrut, ad d-yettuxeɓber d umatu.

Tanarit i d-yettuxeɓbren tezmer ad tessuter acengel n uɗfar aɣedman d uslelli n umazan ney n uɛggal n usqamu n uylan. Imiren d tiwtilin n umagard 127 n ufella ara yettusmersen.

**AMAGRAD 129 :** D asaɗuf agemnan ad d-ibeggnen tiwtilin n wamek ara d-yili urgat n wattag n umazan ney n uɛggal n usqamu n uylan, ma yeqqim wattag-ines deg wartilin.

**AMAGRAD 130 :** Taneflusi ad teɓdu s tɓtu ass wis marw d semmus (15) i d-yusan seld ass n tririt n yigemmaɗ s-yur usqamu amendaw, s tiselwit n umenzu n usqamu aɣerfan aɣelnaw, ad ilin yid-s sin n yimazanen imazuɓen.

Asqamu aɣerfan aɣelnaw ad yefren tanarit-ines yerna d yesbedd tisequma-ines.

D isedruyen-agi n ufella ara yettusmersen deg useqamu n uylan.

**AMAGRAD 131 :** Aselway n usqamu aɣerfan aɣelnaw yettwafren alemnd n tallit n tneflusi.

Aselway n usqamu n uylan ad yettwafren yal mi ara d-yili wales ugzim n tsuddest n usqamu.

**AMAGRAD 132 :** Tudɗa d uswuren n usqamu aɣerfan aɣelnaw d useqammu n uylan, rnu yur-s assayen iwuranen gar texxamin n lbarlaman d unabaɗ, ttwabeggnen-d s usaɗuf agemnan.

Tadrimt n sant texxamin ad tt-id-yesseɓgen usaɗuf.

Asqamu aɣerfan aɣelnaw d usqamu n uylan ad heggin yerna ad siseɗfen alug agensay-nen.

**AMAGRAD 133 :** Inegrawen iberlamaniyen d izuyaz.

Ilaq ad arun ayen yettwattfen n laryuy deg yinqisen yerna ad yili udellel-nesn akken ara d-yettubeggen deg usaḍuf agemnan.

Asqamu aḡerfan aḡelnaw d useqamu n uylan zemren ad nnejmaæn gar-asen kan mebla ma ḡeḡren yidisan nniden s usuter n yiselwayen-nsen, s tuget n yiæggalen i iḡeḡren ney s usuter uneylaf amezwaru.

**AMAGRAD 134 :** Asqamu aḡerfan aḡelnaw d usqamu n uylan ad d-xelqen tisequmma timezgiyin i iægggen wallug agensay-nsen.

Yal tasqamut timezgit deg yal taxxamt tezmer ad terr tuyḡaḡ n laeḡil n uselyu ḡef kra n usentel usdid ney ḡef kra n temsalt yellan.

Allug agensay s yal yiwet si texxamin ad d-iḡeggi ayen ara texdem tuyḡaḡ n uselyu.

**AMAGRAD 135 :** Ad yennejmae lbarlaman deg yiwet n tedwilt tamagnut yal aseggas, deg tenzagt taddayt n marw n wagguren, ad tebdu ass n uxeddim wis sin seg waggur n ctember.

Yezmer uneylaf amezwaruad yessuter aseḡzef n temlilit tamagnut i kra n wussan i wakken ad kfun tasleḡt n tneqqiḡin i d-yersen deg tfelwit n umahil.

Lbarlaman yezmer ad yennejmae di tedwilt nnig tamagnut, annect-a s teḡtest n uselway n tigduda.

Yezmer ḡayen ad t-id-yesnejmae uselway n tigduda s usuter n uneylaf amezwaru ney s usuter n sin yimuren ḡef krad (2/3) n yiæggalen yellan deg usqammu aḡerfan aḡelnaw.

Taggara n tedwilt nnig tamagnut ad d-tili mi ttwasqerdent akk temsal i d-yersen di tfelwit n umahil iyef d-tella tedwilt.

**AMAGRAD 136 :** Asumer n yisuḡaf yettallas deg-s uneylaf amezwaru, imazanen akked yiæggalen n useqammu n uylan.

Isumar n yisuḡaf, akken ad ttwattfen, ilaq ad ttwasersen s-yur snat n tmerwin (20) n yimazanen ney snat n tmerwin (20) n yiæggalen n useqammu n uylan di temsal d-yettwabedren deg umagrad 137 i d-iteddun.

Isenfaren n yisudaf ad d-ttwasnekden deg usqamu n yineylafen seld rray n usqamu n uwanek, syen ad ten-isers uneylaf amezwaru, almind n tejrut, yef tnarit n usqamu ayerfan ayelnaw ney yef win n usqamu n uylan.

**AMAGRAD 137 :** Isenfaren n yisudaf yerzan tuddsa tadigant, ar useggem n wadeg akked bettu adigan ad rsen deg tnarit n usqamu n uylan.

Anagar i kra n tejrutin i d-yettwabedren di tseddart n ufella, akk isenfaren nniđen n yisudaf ad rsen deg tnarit n usqamu n uylan.

**AMAGRAD 138 :** Ddaw wayen yersen di tseddart tamezwarut n umagrad 137 n ufella, iwakken ad yettwasisdef, ilaq ad yili yal usenfar ney asumer n usaduf d asentel n uskasi s-yur asqamu ayerfan ayelnaw d usqamu n uylan.

Ameslay yef yisenfaren n yisudaf deg usqamu ayerfan ayelnaw ad d-yawi yef uđris i d-yettwasnekden s-yur uneylaf amezwaru ney yef uđris i yettwasisdfen deg usqamu n uylan di temsal iyef d-yeddant deg umagrad 137 n ufella.

Anabađ ad d-isers i yiwet seg texxamin ađris yettwafernen deg texxamt nniđen. Ad teskasi yal taxxamt ađris i teseedda texxamt-nni ad t-tesisdef ula d nettat.

Akken yebyu yili, asqamu n uylan ad yesisdef ađris yettwafernen deg usqamu ayerfan ayelnaw, s tuget n yięggalen-is iđedren i yisenfaren n yisudaf imugna, ney i tuget tamagdazt i yisenfaren n yisudaf igemnanen.

Ma yella-d umgarad gar snat n texxamin, aneylaf amezwaru ad yessuter anegraw, di kra n wussan ur tteeddin i mraw d semmus (15) n wussan, n yiwet n tseqammut tamsawant ideg ara ttekin ięggalen si snat n texxamin i wakken ad d-sumren ađris ara d-ibeggnen yef wayen i d-yella umgarad. Tasqamut tamsawant ad tekfu askasi-ines deg wakud ur nettęeddi ara mraw d semmusn (15) n wussan.

Ad d-yessumer unabađ ađris-a i snat n texxamin i usisdef-ines, ur d-yettili ara useyti-ines, anagar ma yeqbel unabađ.

Ma yella ikemmel umgarad gar snat n texxamin, anabađ yezmer ad yessuter deg usqamu ayerfan ayelnaw ad yezayer i tikkelt taneggarut. Deg waddad-a, ad yeddem usqamu ayerfan ayelnaw ađris i d-thegga tseqamut tamsawant, ney ma ulac, ađris aneggaru yettwafernen.

Ma yella anabađ ur yeckta ara i usqamu aƳerfan aƳelnaw, am wakken id-yedda di tseddart n ufella, ađris ad yettwakkes.

Lbarlaman ad yesisđef asađuf n tedrimt deg wakud ur nettseedi ara i řat n tmerwin d semmus (75) n wussan , seg wazemz n wasmi yers, almend n tseddarin ieedan.

Ma yella ur teedda ara deg wakud i as-ittunefken, ad d-yessuffey uselway n tigduda asenfar n unabađ s tannađt.

Iseđuyen-nniđen ad d-ttubeggnen s usađuf aƳemnan d-yyetwabedren deg umagrad 132 n tmendawt.

**AMAGRAD 139 :** Ulac kra n usađuf ara yettwatffen ma yella yewwi-d asenqes n tsugmin tizayazin neƳ i usnerni deg uřerref azyzan, anagar ma yella yegla-d s wakaten ara yesnernin deg wayen i d-ikeccmen Ƴer texrit n uwanek, neƳ add-iheggi tadrimt si tama nniđen ; iwakken ayen ara d-ikeccmen xersum ad yili yemsawa d tedrimt ara yettuřerfen.

**AMAGRAD 140 :** Lbarlaman ad yesnuflus deg taƳulin i as-tefka tmendawt, akked taƳulin i d-iteddun :

- 1-Izerfan d wayanen iƳejdanen n yimdanen, labaeda ayen yerzan Anhil n tlelliyen tizuyaz, aħraz n tlelliyin n umdan, d wayanen n yiřermanen ;
- 2-Illugan imuta yerzan addad n yimdanen, d uzref n twacult, labaeda ayen yeqqnen Ƴer urcal, Ƴer berru, Ƴer tmarawt, Ƴer tzemmart d ttrika ;
- 3-Tiwtilin n warkad n yimdanen ;
- 4-Tneflust taddayt yerzan taƳlent ;
- 5-Illugan imuta yerzan tagnit n tudert n yiberraniyen ;
- 6-Illugan yerzan i uslali ntemnađin tiyedmanin.
- 7-Illugan imuta i uzref afgur d tesrag tifgurin, lađya asebgan n unƳayen d tremggiyin, d lmertat nniđen neƳ i asent-yecban, d usuref amatu, d tuzzeā n wid yenyan, d wayen yerzan tudsa n leħbus.
- 8-Illugan imuta d yisragen ifguren d yinedbalen d yiberdan n usemres-nesn ;
- 9-Anhil n wayanen iřarimen, n uzenzi d tayla.
- 10-Anegzum adigan n tmurt ;
- 11-Afran n tedrimt n ddula ;
- 12-Aslali n tebzert, d uttekki di leklas n tebzert, d yizerfan nniđen ;
- 13-Anhil n ddiwana ;
- 14-Allug n usuffey n tedrimt d unhil n lbankat, n ureřtal d yisenkiden ;
- 15-Illugan imuta yerzan aselmed d unadi tmussniwin ;
- 16-Illugan imuta yerzan tazmert tazayezt d uƳref ;

- 17-Illugan imuta yerzan azref n uxeddin, tayellist tamittant d usemres n uzref anmalan ;
- 18-Illugan imuta yerzan tawennaṭ, yer tudert d uşeggem adigan ;
- 19-Illugan imuta yerzan asehbiber yef yiwersiwen d yimyan ;
- 20-Asehbiber yef tgemmi tadelsant d tmazrant, d uḥareb fell-asen ;
- 21-Anhil amatu n tzegwa d wakal yettwaxedmen i tyessawt ;
- 22-Anhil amatu n waman ;
- 23-Anhil amatu n yimyiren d lbitṛul ;
- 24-Anhil n wakal ;
- 25-Ṭṭmanat tigejdanin yerzan ixeddamen d uḥayar amatu n twuri tazayazant ;
- 26-Illugan imuta yerzan astan ayelnaw d usemres n læsker s-ḡur iduba iyarimen ;
- 27-Illugan n usiwed n tayla seg uḥric azayazan yer uḥric n medden ;
- 28-Aslali n tesmilin n teysurin ;
- 29-Aslali n ucebbeh d tikci n warrazen n lḥerma n uwanek ;

**AMAGRAD 141 :** Rnu yer tayulin yerzan isuḍaf igemnanen deg tamendawt, ad yexdem lbarlaman s yisuḍaf igemnanen deg tayulin-agi :

- Tuddsa n yiduba izayazen, d uxeddin-nen ;
- Anhil n tefranin ;
- Asuḍuf yerzan ikabaren n tsertit ;
- Asuḍuf yerzan isallen ;
- Aḥayar n tneflust, d tuddsa tayedmant ;
- Asuḍuf anmahil yerzan isuḍaf n tedrimt.

Asuḍuf agemnan ad yettwasisḍef s tuget tamegdazt n yimazanen d yiæggalen n usqamu n uylan.

Ad tili ddaw teswedt, yerna tedda d uḥris akked tmedawt s-ḡur asqamu amendaw send ad d-yeffey.

**AMAGRAD 142 :** Ma tella-d wartilin n Useqqamu Ayerfan Ayelnaw ney di tallit n yimuras ibarlamanien, Aselway n Tigduda yezmer, yef temsal izerben, ad yesnefles s ttawil n tasunda, send aciwer n Usqamu n uwanek.

Yessefk yef Uselway n Tigduda ad yefk idrisen yexdem i usisḍef-nen s-ḡur snat n texxamin n lbarlaman di tedwilt-nen i d-iteddun.

Tisundiwin ur nettwasisḍef ara s-ḡur lbarlaman ad ylint.

Di tallit n waddad uslid d-yettwabedren deg umagrad 107 n Tmendawt, Aselway n Tigduda yezmer ad yesnufles s ttawil n tsundiwin.

Tisundiwin ad ttwarefdent deg Useqqamu n Yineylafen.

**AMAGRAD 143** : Tangiwin anagar tid n usaḍuf, ddant deg udabu yesæa Uselway n Tigduda.

Asnas n yisudaḍaf ad yili s-γur uneylaf amezwaru.

**AMAGRAD 144** : D aselway n tigduda i d-yessufuyen asaḍuf di 30 n wussan segmi tettwasers.

D acu kan, mi ara yili udabu yessuter seg Useqqamu amendaw ad d-iger iman-is am akken d-yedda deg umagrad 187 i d-iteddun, send asuffey n usaḍuf, tafada-agi tettwakkes alarmi iban-d rray n Useqqamu Amendaw am akken d-yedda deg umagrad 188 i d-iteddun.

**AMAGRAD 145** : Yezmer Uselway n Tigduda ad yessuter tayuri tis snat n usaḍuf i yef d-llant tefranin di 30 n wussan ara d-iḍefren afran-is.

Di tejrut-agi, tuget n sin yimuren yef tlata (2/3) n yiæeggalen n Usqamu Ayerfan Ayelnaw akked yiæeggalen n Useqqamu n Waylan ilaq ad tili iwakken ad d-yili ufran n usaḍuf.

**AMAGRAD 146** : Yezmer Uselway n Tigduda ad d-yefk izen i lbarlaman.

**AMAGRAD 147** : Send aciwer n Uselway n Usqamu Ayerfan Ayelnaw, d Uselway n Usqamu n Waylan, d Uselway n Usqamu Amendaw, d Uneylaf Amezwaru, Aselway n Tigduda yezmer ad yerfed rray n tukksa n Useqqamu Ayerfan Ayelnaw ney n uheyyi n tefranin tineflusin sendlawan.

Deg snat n tegnatin-a, tifranin tineflusin ilaq ad d-ilint deg tfada n 03 wagguren.

**AMAGRAD 148** : S usuter n Uselway n Tigduda ney n yiwen seg Iselwayen n lbarlaman, yezmer ad d-yili uskasi amatu yef tasertit n lberrani.

Askasi-agi yezmer ad yekfu s unerfud n yiwet tnebaḍt n snat n texxamin n lbarlaman ara sersen gar ifassen n Uselway n Tigduda.

**AMAGRAD 149** : Imtuwa n uḥbas n ccwal ney n talwit n tdukkli ney imtuwa yerzan tilisa n uwanek akked yimtuwa yerzan tudert n yimdanen d wid ara d-yeglun s uşerref n tedrimt ur nelli ara di texriṭ n uwanek, imtuwa gar snat n tmura ney gar waṭas n tmura yerzan imeḍqan n tnezzit tillellit akked tdukkliwin



d usekcem n tdamsiwin, ad ttwazemlent s ufus n Uselway n Tegduda, seld asisḍef-nsen s-yur yal yiwet seg snat n texxamin n lbarlaman.

**AMAGRAD 150 :** Imtuwa yettwazemlen s-yur Aselway n Tegduda, deg tewtilin d-yeddin di Tmendawt, kkan-d nnig n usaḍuf.

**AMAGRAD 151 :** Iæggalen n lbarlaman zemren ad steqsin Adabu yef kra n temsalt yettffen talemast n yisalen. Adabu ilaq ad d-yefk tiririt deg tfada ur nettæeddi ara 30 n wussan.

Tiseqquma n lbarlaman zemrent ad slent i yiæggalen n udabu.

**AMAGRAD 152 :** Iæggalen n lbarlaman zemren ad fken asteqsi, ama s yimi ney s tira, i yal æeggal n unabaḍ.

Asteqsi ara yettwifken s tira ad d-tili tirirt fell-as s tira deg yiwet n tfada ur nettæeddi ara 30 n wussan.

Tiririt yef yisteqsiyen imawiyeen ilaq ad d-tili deg tfada ur nettæeddi ara 30 n wussan.

Aseqqamu Ayerfan Ayelnaw akked Useqqamu n Waylan, ad nnejmaæen s temlellit yal ddurt i tiririt yef isteqsiyen yettwafkan i anabaḍ s yimi.

Ma yella yiwet si texxamin n lbarlaman twala belli yiwet n tiririt yef usteqsi imawi ney yuran yewwi-d ad yili fell-as uskasi, ad yettwaxdem am akken d-yettwabder deg ilugan igensayen n Usqamu Ayerfan Ayelnaw d wid n Usqamu n Waylan.

Isteqsiyen akked tiririt fell-asen ad d-ttwazergen am akken ttwazergen rrabulat d-yettawin yef iskasiyen n lbarlaman.

**AMAGRAD 153 :** Ilmend n uskasi yef tsertit tamatut, Aseqqamu Ayerfan Ayelnaw yezmer ad yezzem anabaḍ s ufran n yiwen n usumer n tedrest.

Asumer-agi ur yettwaṭṭaf ara alamma tettwazmel syur yiwen wumur yef ṣa (1/7) n yiæggalen n Useqqamu.

**AMAGRAD 154 :** Asumer n tedrest ilaq ad yettwaqbel s tefrant n tuget n sin yimuren yef krad (2/3) n yiæggalen n Useqqamu.

Tafrant ad d-tili krad n wussan send tarusi n usumer n tedrest.

**AMAGRAD 155 :** Mi ara yettwaqbel usumer n tedrest syur Aseqqamu Ayerfan Ayelnaw, Aneylaf Amezwaru ad yessuter atixer n unabaḍ i Uselway n Tigduda.

### **IXF III : ADABU AYEDMAN**

**AMAGRAD 156 :** Adabu ayedman d amunan. Yettili-d s wannuz sdat n usaḍuf.

D Aselway n Tigduda i d tṭamen yef timument n udabu ayedman.

**AMAGRAD 157 :** Adabu ayedman d amastan n tmetti akked tlelliyin.

D netta ara idemnen i medden irekelli d yal yiwen izerfan imenzayen.

**AMAGRAD 158 :** Taydemt ters yef imenzay n tsaduft d usemsawi.

D yiwet i yimdanen merra, yal wa yezmer ad yaweḍ yur-s, tettwasenfali s uqader n uzref.

**AMAGRAD 159 :** Tettuberreḥ-d teydemt s yisem n uyref.

**AMAGRAD 160 :** Lmertat tifgurin ttilint-d s uqadar n tsaduft akked tnekkit.

D asaḍuf ara idemnen sin n yeswiren n temnaḍin tiyedmanin deg ayen yerzan afgur, d netta ara d-ibegnen amek ara d-yili usnas-ines.

**AMAGRAD 161 :** Taydemt tettaṭaf tuttriwin mgal tiyṭas n udabu n tedbelt.

**AMAGRAD 162 :** Yettuberreḥ-d s teyṭas n teydemt s uneḥdur n uzayez.

Tannaḍin tineflusin ttwasfukklent.

**AMAGRAD 163 :** Tissudiwin n uwanek akken ma llant yewwi-asant-d, akken yebyu yili lḥal, ad slekment tiyṭas n teydemt.

Yal æekker deg uselkem n teyṭas n teydemt ad ittumerret s usaḍuf.

**AMAGRAD 164 :** D ineflusen i d-yettberriḥen s teyṭas n teydemt.

Yezmer ad seun imalalen iyerfanen, s wannuz sdat n tewtilin d-yeddan deg usaḍuf.

**AMAGRAD 165 :** Anezzarfu ur yettay awal ḥala i usaḍuf.

**AMAGRAD 166** : Anezzarfu yettwasten mgal yal lħers ney anekcum di ccyel-  
is ney ibeddi sdat n usemres n teyđat-is ney tawakksa n leqder i tlelli tedmi-s.

Yal anekcum aberrani di teyđemt yettwagdel.

Anezzarfu ilaq ad yeħrez timument n tedmi-s ara yessimsen tarawsa-ines.

Anezzarfu n wattag ur yettwakkas ara almend n tewtilin n uzayer agejdan n  
teyđemt.

D asađuf ara d-ibeggnen amek ara yettwasemres umagrad-agi.

**AMAGRAD 167** : Aneflus d amasay sdat Usqamu Unnig n Tneflust deg  
talyiwin i d-yessebgen usađuf d wamek yessemras tayđat-ines.

**AMAGRAD 168** : Asađuf yesten anyedmi mgal tamuħqranit ney tucđa n  
unezzarfu.

**AMAGRAD 169** : Azref yer temħaddit yella.

Deg wayen yerzan afgur, yettwadmen.

**AMAGRAD 170** : Abugađu yettwadmen mgal yal lħers ney ibeddi sdat n  
usemres n teyđat-is ney tawakksa n leqder i tlelli n tedmi-s s wannuz sdat n  
usađuf.

**AMAGRAD 171** : Tassenbert Tunnigt d nettat i d taslugnant n urmud n  
tsenbarin d yixxamen n teyđemt.

Asqamu n uwanek d netta i d aslugan n urmud n temnađin tiyedmanin  
tideblanin.

Tassenbart Tunnigt akked Usqamu n uwanek demnen tadukli n usnulfuydim di  
merra timnađin n tmurt, ad bedden yef leqder n usađuf.

Axxam n teyđemt n yimennuyen yettaf-d tıfırat i yemgired d-yettilin gar ixxamen  
n teyđemt ney tayđemt tadeblant.

**AMAGRAD 172** : Asuddes d useddu n Tsenbert Tunnigt akked Usqamu n  
uwanek ad d-yeddu deg usađuf agemnan.

**AMAGRAD 173 :** Asqamu Unnig n Tneflust ad d-yili yef uqerruy-is Uselway n Tigduda.

**AMAGRAD 174 :** D Asqamu Unnig n Tneflust, s wannuz sdat n usaḍuf d netta i yettægginen ineqlusen d usenfali-nsen akked wamek tetteddu ssira-nsen.

Dayen yettadedd yef leqder n wayen d-yeddān deg uḍayer n tneflust d uswaḍ n tugrint ineqlusen ddaw tiselwit n uselaway amezwaru n Tsenbart Tunnigt.

**AMAGRAD 175 :** Aseqqamu Unnig n Tneflest yettak-d rray-is deg uzref yesēa uselway n tigduda ad yessuref i yimeḥbas.

**AMAGRAD 176 :** Tasuddest, aseddu d lkalafat-nniḍen n Useqqamu Unnig n Tneflust ad d-ttubeggnent s usaḍuf agemnan.

Asqamu Unnig n Tneflust yur-s timanit tadeblant d tin n tedrimt. D asaḍuf agemnan ara d-yinin amek.

**AMAGRAD 177 :** Tettwasebdeḍ yiwet n Tsenbert Tunnig n Uwanek ma yella Uselway n Tigduda yexdem tiḥerkelt tameqqrant, ma yella aneylaf amezwaru yexdem anyā ney tirmeggit.

Asuddeḍ, tasuddest d useddu n Tsenbert Tunnigt n Uwanek ad tent-id-ibeggen usaḍuf agemnan.

**AZWEL WIS KRAD  
ASWAD, TAÆSSAST N TEFANIN  
AKKED TSUDDA N UCIWER**

**IXF I : ASWAD**

**AMAGRAD 178 :** Tisequma yettwafernen d nutenti ara yilin d timaswaḍin di talya-nsent tayerfant.

**AMAGRAD 179 :** Ad yettuḥaseb unabaḍ sdat n yiēeggalen n texxamin n lbarlaman di snat yid-sent yef usemres n yismaden n tyussar i as-yettufernen di yal alaymu n tyussar.

Taggara n ulaymu tettili-d di yal taxxamt s ufran n usaḍuf yerzan alugen n tyussar n ulaymu-nni.

**AMAGRAD 180 :** Yefka usaḍuf azref i yal taxxamt n lbarlaman iwakken ad d-teslal Taseqqamut n testant yef lecyal yerzan tanfit tamatut.

Ur tezmir ara ad d-tlal Tseqqamut n testant yef yinedruyen i yellan d aḥric n yisali ayedman.

**AMAGRAD 181 :** Yessefk yef tsuda d igemnan n uswaḍ ad gussen ma yella ddan d tigawt tanefflud d uselkem akked tmendawt, akken ara gussen tiwtilin n useqdec d useddu n wallalen akked Tedrimt tazayezt.

**AMAGRAD 182 :** Aseqqamu amendaw d tasudut tamunant i yettharaben yef tmendawt.

Akken yettharab dayen Useqqamu amendaw yef tirit n rray i ugduḍ, tifranin n Uselway n Tegduda akked tefranin n tnefflest.

Ad yezrew dayen tuttriwin i t-id-yettawḍen yef yigmuḍen n leḍḍil n tefranin n Uselway n Tegduda akked tefranin n tnefflest send ad d-yefk igemmaḍ n taggara n yal n wayen d-yettwabparen deg tseḍdart n ufella.

Aseqqamu amendaw yesḍa timanit deg tedbelt akked texriḍt.

**AMAGRAD 183 :** Yeddes Useqqamu amendaw s (12) n yiḍeggalen : (4) degsen iḍeyyen-iten Uselway n Tegduda ideg yella Uselway akked Uselway adday n Useqqamu, (2) n ufrinen n Ugraw Aḥrefan Aḥelnaw, (2) n ufrinen n Useqqamu n waylan, (2) n ufrinen n tseḥbert tunniḡt d (2) n ufrinen n Useqqamu n uwanek.

Ma msawan leḥwat n yiḍeggalen n Useqqamu amendaw, d ḥḥut n Uselway ara tt-yefrun.

Akken kan ara ttwafernen ney ttuḍeggnen, ad ḥḥesen yiḍeggalen n Useqqamu amendaw yal tamazant, tawuri, ayen s wayes yettukellef, tayḍat akked yal lḥirfa i seḥn anda nniḍen.

Ad iḍeggen Uselway n Tegduda Aselway akked Uselway adday n Useqqamu amendaw yiwet n tikkelt kan i tmazant n (8) n yiseggasen.

Iḍeggalen n Useqqamu amendaw nniḍen seḥn tamazant n (8) n yiseggasen, yal azgen ad yettwabeddel yal (4) n yiseggasen.

Qbel ad bdun axeddim, ad ggallen yiëggalen n Useqqamu amendaw sdat n Uselway n Tegduda s limin-a :

"Ad ggalley sdat n Sidi Rebbi, ad d-lhuy d uxeddim-iw s trawsa, ad ġġey di lbađna ayen i d-yekkan seg teytas, ad sgedley yef yiman-iw ameslay i medden yef wayen yerzan tizemmar n Useqqamu amendaw."

**AMAGRAD 184** : Yessefk yef yiëggalen n Useqqamu amendaw, widen yettwafernen ney widen yettwaëeggnen :

- Ad s̄un ugar n 40 n yiseggasen ass ideg ara ttwafernen ney ara ttwaëeggnen ;
- Ad s̄un tarmit tasadart n (15) n yiseggasen ma drus deg uselmed aēlayan n tussniwin tizerfanin, deg tneflest, deg usadur n ubugaṭu deg Tsenbert tunnigt, Aseqqamu n uwanek ney deg twuri taēlayant n ddula.

**AMAGRAD 185** : Kra ara tekk tmazant-nsen, Aselway, Aselway adday akked yiëggalen n Useqqamu amendaw ad s̄un tanseqqit tayedmanwit di temsal tifgurin.

Ur zmiren ara ad ēeddin deg ccreē ney ad ttwahebsen yef unya ney yef tirmeggit anagar ma yeġġa ueggal s timmad-is tanseqqit tayedmanwit i yesea ney yefka-d Useqqamu amendaw ttesriḥ i waya.

**AMAGRAD 186** : Rnu yer wayen i as-yettunefken n wayla deg yimagraden nniḍen n tmendawt, Asqamu amendaw ad d-yefk rray yef wayen yerzan timmendewt n yimtuwa, isudaf akked yilugan.

Yezmer ad yessuter Uselway n Tegduda rray n Useqqamu amendaw yef timmendewt n yisudaf inegmanen mi ara yettwasisedfen deg lbarlaman.

Am akken Asqamu amendaw yezmer ad d-yefk rray-is yef walugen igensayen n yal taxxamt n lbarlaman d wamek tella tmmendewt-nsen am wakken i d-yers deg tseddart n ufella.

**AMAGRAD 187** : Yezmer Uselway n Tegduda, Aselway n Useqqamu n uwanek ney Aselway n Ugraw Ayełnaw ad iger tiyri n ucekti srid i Usqamu amendaw.

Akken zemren dayen ad as gren tiyri n ucekti semmust n tmerwin (50) n yimazanen ney kratd n tmerwin (30) n yiëggalen n Usqamu n waylan.

Asemres n tiyri ucekti iyef yella wawal deg snat n tseddarin n ufella ur rzin ara tiyri n ucekti n war timmendewt iyef d-yella wawal deg umagrad 188 i d-iteddun.

**AMAGRAD 188 :** S tugin n Tsenbert tunnigt ney Asqamu n uwanek, tezmer ad d-tili tiyri n ucekti i Usqamu amendaw s war timmendewt mi ara tili yiwet seg tamiwin ibedden deg teydemt tenna-d sdat n temnađt tayedmant belli iseđruyen ineqlusen iyer qqnent tifat n taluft tđurr izerfan akked tlelli iyef tweřsa deg tmendawt.

D asađuf agemnan ara d-isbeggnen amek ara d-yili useđru n tseddart n ufella.

**AMAGRAD 189 :** Ttnegrawen yięeggalen n Usqamu amendaw gar-asen kan ; akken kan ara asen-gren tiyri, sean kratd n tmerwin (30) n wussan iwakken ad d-fken rray-n sen. Ma yella lhır, ad asen-yessuter Uselway n Tegduda ad d-fken rray-n sen deg mraw (10) n wussan.

Ma gren-asen tiyri n ucekti yef wayen yerzan amagrad 188 n ufella, ad d-fken rray-sen deg (4) wagguren. Akken yezmer dayen ad rnun (4) wagguren nnıden ma hwaęen-ten yięeggalen n Useqqamu maca ilaq ad xebbren tamnađt tayedmat d-yeccektan.

Asqamu amendaw yesrusuy ilugan is la ixeddem.

**AMAGRAD 190 :** Mi ara yaf Usqamu amendaw yiwen n umtawa ney amsisi kecmen di wartimmendawt, ur d-yettili ara usezmel-n sen.

**AMAGRAD 191 :** Mi ara yaf Useqqamu amendaw aseđru aneqlus ney alug wartimmendewt, ad yeyli wazal-is ass ideg ara d-yeffey rray n Useqqamu.

Mi ara yili useđru aneqlus yennzerfa d wartimmendewt yef llsas n umagrad 188 n ufella, ad yeyli wazal-is ass ideg ara d-yeffey rray n Useqqamu amendaw.

Leryuy akked teytas n Useqqamu amendaw ulac awal fell-asent. Yessefk yef yiduba izayazen merra, iduba ideblanen akked iyđmanwiyen ad tent-đefren.

**AMAGRAD 192 :** Tasenbert tasıđnant d tamunant. Ccyel-is d aswađ n tedrimt n uwanek, tideganin tinmađanin, imuzlan izuyaz akked raslmal n uwanek.

Tettikki Tsenbert tasıđnant deg usenerni n unbađ iwatan akked tafrawant deg useqdec n tedrimt tazayezt.

Yal aseggas, ad texdem Tsenbert tasiđnant aneqqis i Uselway n Tegduda, i Uselway n Useqqamu n ddula, i Uselway n Ugraw Ayerfan Ayelnaw akked Uneylaf Amezwaru.

D asađuf ara d-ibeggnen lkalafa, tuddsa, aswurem akked tiytas n tsistan-ines n Tsenbert tasiđnant, akken ara d ibeggen dayen assayen gar tyessiwin n uwanek i d-yelhan d uswađ akked teswađt.

## **IXF II : TAÆESSAST N TEFRANIN**

**AMAGRAD 193 :** Yessefk yef yiduba izuyaz ad d-suddsen tifranin tifrawanin tirawsiwin.

Yef waya, ad tili leđrida tamafrant yur imenkaden yal tikkelt mi ara yilint tefranin.

D asađuf agemnan n anhil afernan ara d-ibeggnen amek ara d-yili useđru n waya.

**AMAGRAD 194 :** Tlul-d Tseqqamut tunnigt tamunant i teessast n tefranin.

Mi yemcawar Uselway n Tegduda akked yikabaren isertayen, ad d-yefren amdan ayelnaw ara tt-yesselwin.

Taseqamut tunnigt tamunant i teessast n tefranin yur-s asmil ameylal ara d-tsebedd s yiæggalen-ines segmi ara d-yessiwel yimafranen.

Tasqamut tunnigt teddes s usemsawi:

- Ineflasen i d-yessumer Useqamu unnig n tneflest i d-æeggen Uselway n Tegduda.
- Tizmmar timunanin i d-yettwafernen seg tmetti tayarimt ara d-æeggen Uselway n Tegduda.

Ad tħareb tseqamut tunnigtt yef tefrawant d tezdg n tefranin tiselwayanin, tineflusin d tedganenin seg usiwel imafranen alamma d uberreh n yigemmađ n laeđil n tefranin.

Akken ara tebdded dayen tseqamut tunnigt yef:

- Tmuyli n usñiles n wumuy amafran.
- Asñiley n yiwellichen i uselhu n yiđrisen ineqlusen yesuddusen tifranin.



- Asuddes n tedewilt n tannant i usiley n yikabaren yef teessast n tefranin akked amek ara yarun tuttriwin n ucetki.
- D asaḍuf agemnan ara d-yesbegnen aseḍru n umagrad-a.

### IXF III : TISUDA N UCIWER

**AMAGRAD 195** : Isud-d Useqqamu Unnig n Tinneslemt yur Uselway n Tegduda ara d-yelhin d :

- Asebyes akked usesmel n Ijtihad.
- Tikci n rray akked tmuyli yef wayen yerzan lumur n ddin deg wayen i as-yettunefken.
- Aheggi n uneqqis awalan n leqdic-is i Uselway n Tegduda.

**AMAGRAD 196** : Yeddes Useqqamu Unnig n Tinneslemt s 15 n yiæeggalen gar-asen Aselway, ara d-iæeyyen Uselway n Tegduda gar yimussnawen iyelnawen deg tussniwin yerzan ddin.

**AMAGRAD 197** : Isud-d Useqqamu Unnig n Laman i yesselwi Uselway n Tegduda. D Aseqqamu ara d-yefken rray-is i Uselway n Tegduda yef wayen yerzan timsal n laman ayelnaw.

D Aselway n Tegduda ara ireşşin amek ara d-yili useḍru d useddu d usuddes n Useqqamu Unnig n Laman.

**AMAGRAD 198** : Isud-d Useqqamu Ayelnaw n yizerfan n umdan yettusemman "Aseqqamu" yur Uselway n Tegduda, ṭṭamen n tmendawt.

Yesea Useqqamu timanit n tedbelt akked tedrimt.

**AMAGRAD 199** : Axeddim n Useqqamu d taæssast, asendeh akked uskazal n liḥala n yizerfan n umdan.

Ad yesked Useqqamu liḥalat ideg ttwaæefsen yizerfan n umdan mi ara t-id-xebbren i wakken ad d-yaf tifat, ayagi war ma iḍurr lkalafat n udabu azerfan. Ad yessiweḍ imir-nni igmuḍen n unadi i tedbelt terza temsalt ney i temnaḍin tiyedmanin teena temsalt.

Ad yeg Useqqamu tigawin i usaki, aselyu akked taywalt i usnerti n yizerfan n umadan.

Ad d-yefk dayen rray, isumar akked yiwellihen i usnerti d uḥareb yef yizerfan n umdan.

Ad yefk Useqqamu aneqqis awatyan i Uselway n Tegduda, i lbarlaman, i Uneylaf amezwaru am wakken ara t-yessiweḍ dayen i uzayez.

D asaḍuf ara d-yesferzen tudssa d wamek ara d-yili uḗeyyen n yiḗeggalen n Useqqamu akked yilugan n tuddust d useddu-ines.

**AMAGRAD 200** : Ilul-d Useqqamu Unnig n yilemziyen, d tudssa n uciwer yersen yur Uselway n Tegduda.

Yessemlal Useqqamu wid yettmetilen ilemziyen akked wid yettmetilen anabaḍ d tsuda tizuyaz yetkellfen s temsal n yilemziyen.

**AMAGRAD 201** : Yettak-d Useqqamu Unnig n yilemziyen rray-is d yiwellihen-is yef temsal yerzan ayen i tteḥwiḡin yilemziyen akked wallalen ara ten-yesḡuḡggen deg tayulin n tdamsa, timetti, idles akked waddal.

Akken ara yessiweḍ dayen i yilemziyen-agi azalen iyelnawen, tafrit n tayri n tmurt, tidmi tayermant akked twizi tanmettit.

**AMAGRAD 202** : Isud-d Ugman ayelnaw i uḗezzeb d umennuy mgal tijeḗḗal, d tamdabut tadeblant tamunant yersen yur Uselway n Tegduda.

Yesea Ugman timanit n tedbelt akked tedrimt.

Timmument n Ugman tettwasenked s tggallit n yiḗeggalen-is akked uḡareb nsen mgal lḡeḡ, maḡyaf, yir awal d wayen n diri i izemren ad ten-yaweḍ mi ara d-lhin d ccyel-nsen.

**AMAGRAD 203** : Gar wayen yellan d tiḡḡaḍ n Ugman, asumer d uttikki deg tsertit tamatut n uḗezzeb mgal tijeḗḗal iwakken ad yers llsas n uwanek n uzref ara d-ibeggnen timmad, tezdeg akked tmassit n useddu n wayla azayzan.

Ad yefk Ugman aneqqis awalan i Uselway n Tegduda i uktazal n leqdic-is yerzan aḗezzeb d umennuy mgal tijeḗḗal, lexḡaḡ yellan akked yiwellihen i d-yesumer.

**AMAGRAD 204** : Aseqqamu Ayelnaw Adamsan Imetti yettusemman "Aseqqamu" d adeg n udiwenni, n lemcawra akked usumer deg wayen yerzan tayult tadamsant timettit.

D netta i d amciwer n unabaḍ.

**AMAGRAD 205 :** Tiɣdaɣ n Useqqamu :

- Ad yefk tagnit i tmetti tayarimt iwakken ad tettekki deg lemcawra tayelnawt yef tsertit n unegmu adamsan imetti.
- Ad yeg assayen n udiwenni d lemcawra gar imsumuyen idamsanen akked yimettiyeɣn iɣelnawen.
- Ad yektazel, ad yezrew timsal sut lfayda tayelnawt deg tayult n tdamsa, timetti, aseɣmi, asiley akked uselmed aɣlayan.
- Ad yessumer, ad iwelleh anabaɣ.

**AMAGRAD 206 :** Ilul-d Useqqamu Aɣelnaw i Unadi Ussnan d titiknulujiyin yettusemman "Aseqqamu".

**AMAGRAD 207 :** Tiɣdaɣ n Useqqamu :

- Ad yessnerti anadi aɣelnaw deg tayult n usnulfu atiknuluji d wussnan.
- Ad yessumer allalen iwatan i unegmu n tzemmar tiɣelnawin n unadi-anegmu.
- Ad yektazel tazmert n yiseɣruyeɣn iɣelnawen i tririt n wazal n yigmuɣen n unadi deg wannar n tdamsa tayelnawt deg uɣric n unegmu amezgan.

Ad iɣeyyeɣn Uselway n Tegduda tazemmart tayelnawt yettwassnen iwakken ad yili d Aselway n Useqqamu.

Ad ibeggen usaɣuf tiɣdaɣ nniɣen, tuddust akked tasuddest n Useqqamu.

### **AZWEL WIS KUȚ : ASNILES N TMENDAWT**

**AMAGRAD 208 :** D aselway n Tegduda ara yesnisen tamendawt. D Agraw Aɣerfan Aɣelnaw akked Useqqamu n uwanek ara tt-yeffernen am wakken ara yeffren uɣris aneflus.

Ad yuɣal rray ɣer uyref 50 n wussan seld aqbal-ines.  
Mi yeqbel uyref asniles n tmendawt, ad tt-id-yesuffey Uselway n Tegduda.

**AMAGRAD 209 :** Ad yuɣal usaɣuf yerzan asenfar n tesnilest n tmendawt warazal ma yella yugi-t uyref.

Ur tezmir ara ad tuɣal tesnilest n tmendawt yef tefranin snat n tikkal deg yiwet n tneflust.

**AMAGRAD 210 :** Ma yufa Useqqamu Amendaw tasnilest n tmendawt ur teeni ara imenzayen imatuten iɣef tedda tmetti tazayrit, izerfan d tlelli n umdan d uyerfan, ur tbeddel ara urkiden igejdanen n yiduba akked tsuda, yezmer

Uselway n Tegduda ad d-yesuffey srid asaḍuf n tesnilest n tmendawt war ma seg tefranin n uyref ma yella tewwi-d 3/4 n leṣwat n snat n texxamin n lbarlaman.

**AMAGRAD 211 :** Amur wis krad yef kuz (3/4) n yiεeggalen n snat n texxamin yeddukklen zemren ad sumren asenfar n usniles n tmendawt i Uselway n Tegduda i izemren ad t-yesεeddi yef tefranin.

Ma yeqbel-itt uyref, ad tettusuffey.

**AMAGRAD 212 :** Yal tasnilest n tmendawt ur tezmir ara ad tbeddel :

- 1- Timezri tagdudant n uwanek.
- 2- Annaḍ amagday yersen yef llsas n usṭuqetikubar.
- 3- Lislam d dḍin n ddula.
- 4- Taεrabt d tutlayt tayelnawt tunṣibt.
- 5- Tilelliyin tigejdanin akked yizerfan n umdan d uyerfan.
- 6- Timmad d tyiwant n tmurt n Lezzayer.
- 7- Sin yizumal n tegrawla akked Tegduda : takbabt tayelnawt, imsiyret ayelnaw.
- 8- Aεiwed n ufran n Uselway n Tegduda i yiwet n tikkelt kan.

### **ISEḌRUYEN N LEḌDIL**

**AMAGRAD 213 :** Isaḍufen imagnuten n imira i terra tmendawt-agi d isaḍufen igemnanen ad qqimen ttwaseḍruyen alamma ttwabedden ney uyalen wiyad deg umkan-nsen almend n tisrag timendawanin.

**AMAGRAD 214 :** Akka yella imir-a, ad ikemmel Useqqamu amendaw asemres n lkalafat-is am wakken i d-ttwabeggnet deg tmendawt-agi, iεeggalen-is ad kemmlen timazanin-nsen alamma kfan.

Ma yella kra n ubeddel ney timerna ad ilin almend n tisrag yellan deg tmendawt-agi ma εettlen sḍis (6) n wagguren seg wass i deg tettwaqbal.

Abeddel n uzgen n yiεeggalen n Useqqamu amendaw d imafranen ney ttwaseyyenen, am wakken i t-id-tbeggen tmendawt-agi, ad yili s tseqqar, mbaεd aseggas wis kuz (4) n tmazant.

**AMAGRAD 215 :** Simi ara d-mlilent tewtilin iwulmen i useḍru n umagrad 188 n tmendawt, aseddu n umagrad-agi ad yili yettaressa krad (3) n yiseggasen mbaεd asuffey n yiseḍruyen.

**AMAGRAD 216 :** Ad tkemmel tuddsa yettukellfen s uḥareb yef yizerfan n umdan di lkalafat-ines alamma yella-d useḍru n yimagraden 198 d 199 n tmendawt.

**AMAGRAD 217 :** Aḍris n usniles amendaw yettwaqebfen ad i ttuṣeggem usiden n yimagraden-is.

**AMAGRAD 218 :** Ad d-yesuffey Uselway n Tegduda aḍris n usniles amendaw yettwaqebfen ara yuḡalen yettwaselkem am usaḍuf agejdan n Tegduda.

**Udem anaṣli d tsuqilt n tggalit i d-yettwabadren deg umagrad 90 n tmendawt :**

"بِسْمِ اللَّهِ الرَّحْمَنِ الرَّحِيمِ"

وفاء للتضحيات الكبرى، ولأرواح شهدائنا الأبرار، وقيم ثورة نوفمبر الخالدة، أقسم بالله العلي العظيم، أن أحترم الدين الإسلامي و أمجده ، و أدافع عن الدستور، و أسهر على استمرارية الدولة، وأعمل على توفير الشروط اللازمة للسير العادي للمؤسسات و النظام الدستوري، وأسعى من أجل تدعيم المسار الديمقراطي، وأحترم حرية اختيار الشعب، و مؤسسات الجمهورية و قوانينها، و أحافظ على سلامة التراب الوطني، ووحدة الشعب و الأمة، وأحمي الحريات و الحقوق الأساسية للإنسان و المواطن، وأعمل بدون هوادة من أجل تطور الشعب وازدهاره، و أسعى بكل قواي في سبيل تحقيق المثل العليا للعدالة و الحرية و السلم في العالم. و الله على ما أقول شهيد."

*«Fidèle au sacrifice suprême et à la mémoire sacrée de nos martyrs ainsi qu'aux idéaux de la Révolution de Novembre éternelle, je jure par Dieu Tout Puissant de respecter et de glorifier la religion islamique, de défendre la Constitution, de veiller à la continuité de l'Etat, de réunir les conditions nécessaires au fonctionnement normal des institutions et de l'ordre constitutionnel, d'oeuvrer au renforcement du processus démocratique, de respecter le libre choix du peuple, ainsi que les institutions et lois de la République, de préserver l'intégrité du territoire national, l'unité du peuple et de la nation, de protéger les libertés et droits fondamentaux de l'homme et du citoyen, de travailler sans relâche au développement et à la prospérité du peuple et d'oeuvrer de toutes mes forces à la réalisation des grands idéaux de justice, de liberté et de paix dans le monde»*

*«Dieu en est témoin».*

**Udem anaṣli d tsuqilt n tggalit i d-yettwabadren deg umagrad 183 n tmendawt :**

«أقسم بالله العلي العظيم أن أمارس وظائفني بنزاهة وحياد، وأحفظ سرية المداولات وأمتنع عن اتخاذ موقف علني في أي قضية تخضع لاختصاص المجلس الدستوري».

*«Je jure par Dieu Tout Puissant d'exercer en toute impartialité et neutralité mes fonctions, de préserver le secret des délibérations et de m'interdire de prendre une position publique sur toute question relevant de la compétence du Conseil Constitutionnel».*